

四庫全書

史部

# 欽定四庫全書

史部  
通典卷二十一

詳校官侍郎<sub>臣</sub>李封

編修<sub>臣</sub>程嘉謨覆勘

覆校官助教<sub>臣</sub>吳省蘭

校對官中書<sub>臣</sub>田尹衡

謄錄監生<sub>臣</sub>胡浚

謄錄舉人<sub>臣</sub>祝櫓良

欽定四庫全書

通典卷二十一

唐 京 兆 杜 佑 君 卿 纂

職官三

宰相

并官屬

黃帝得六相而天地治神明至

黃帝得蚩尤而明天道得太常而察地理得蒼

龍而辨東方得祝融而辨南方得風后而辨西方得后土而辨北方謂之六相

虞舜臣堯

為堯時臣

舉八凱

蒼舒隤欽赫臧大臨龐降庭堅仲容叔達為八愷即垂益禹皋陶之倫也庭堅則皋陶字隤大

回切散  
午來切

使主后土

后土地官也

以揆百事莫不時叙地平天

成

揆度成平也

舉八元

伯奮仲堪叔獻季仲伯虎仲熊叔豹季狸為八元

使布五教

於四方內平外成

內諸夏外夷狄

謂之十六相

亦曰十六族

及成湯

居亳初置二相以伊尹仲虺為之

伊尹號為阿衡仲虺臣名為湯左相

武

丁得傳說爰立作相王置諸其左右

武丁殷之高宗也得賢相傳說於是

禮命立以為佐相使在左右也

周時召公為保周公為師相成王為左

右亦其任也秦悼武王二年始置丞相官以樗里疾甘

茂為左右丞相

茂為左疾為右

莊襄王又以呂不韋為丞相及

始皇立尊不韋為相國則相國丞相皆秦官

又漢官儀云皆六國

時金印紫綬掌丞天子助理萬機秦初有左右

荀悅曰秦本次

國命卿二人是以置左右丞相無三公官

至二世復有中丞相

二世已誅李斯乃拜趙高

為中丞相事無大小皆決之

漢高帝即位一丞相絳綬

高帝二年拜曹參為假左

丞相即漢初丞相當有左右今言一丞相或漢書之誤

以蕭何為之及誅韓信乃

拜何為相國何薨以曹參為之孝惠高后置左右丞相

文帝二年復置一丞相丞相月俸錢六萬

初陳平為左丞相及誅諸

呂文帝初立平乃謝病以讓周勃乃以勃為右丞相位第一平為左丞相位第二帝因朝問勃天下一歲決獄

幾何勃謝不知問天下錢穀一歲出入幾何勃又不能對汗出浹背及問平平曰有主者宰相者上佐天子理陰陽順四時下遂萬物之宜外鎮四夷諸侯內親附百姓使卿大夫各任其職上善之勃謝病請免相平專為一丞相

成帝綏和元年御史大夫何武建言古者民謹事

約國之輔佐必得賢聖然猶則天三光備三公官

三光日月

星各有分職今末俗之弊政事煩多宰相之才不能及

古而今丞相獨兼三公之事所以大化久未洽也宜建三公官定卿大夫之任分職授政以考功效於是上拜曲陽侯王根為大司馬而何武自御史大夫改為大司

空皆金印紫綬比丞相則三公俱為宰相

漢御史大夫副丞相事若

今之同平章事及參知機務之類所以漢書云薛貢韋匡迭為宰相薛宣韋賢匡衡則是丞相而貢禹但為御史大夫又蕭望之謂朱雲曰吾備位

將相蕭嘗任御史大夫及前將軍

至哀帝復罷大司

空

大司空朱博奏曰帝王之道不必相襲高祖置御史大夫次丞相與丞相同位故事選郡國守相高第為

寧今更大司空與丞相同位故事選郡國守相高第為中二千石為御史大夫任職者為丞相位次有叙所以尊聖德重國相也今中二千石未更御史而為丞相非所以重國政也今願罷大司空以御史大夫為百寮師

從之

元壽二年更名丞相為大司徒初漢制常以列侯

為相唯公孫弘布衣數年登相位武帝乃封為平津侯

其後為故事至丞相而封自弘始也

至光武絕不復侯或自以際會援立

見封漢儀注曰御史大夫為丞相更泰乃封故先賜爵關內侯李奇曰以冬月非封侯故且先賜爵關內侯

白事教令稱曰君侯

亦謂丞相為上相陸賈謂陳平曰足下位為上相是也

春秋

之義尊上公謂之宰言海內無不統焉故丞相進天子

御座為起在輿為下

皇帝見丞相起謁者贊稱曰皇帝為丞相起立乃生贊稱曰敬謝

行禮皇帝在道丞相某迎謁者稱曰皇帝為丞相下輿下立乃升車也

丞相有病皇帝法

駕親至問疾從西門入

丞相有疾御史大夫三朝問起居百寮亦然後漢三公疾令中

黃門問疾魏晉即黃門郎尤重者或侍中

及瘳視事尚書令若光祿大夫賜



以養牛上尊酒

如淳曰律稻米一斗得酒一斗為上尊  
稷米一斗得酒一斗為中尊粟米一斗

得酒一斗為下尊顏師古曰稷卽粟也中尊宜為黍米  
不當言稷且作酒自有澆淳之異為上中下矣非必繫  
於米也蕭何為相國將薨舉曹參代參無所變更一遵  
蕭何約束擇郡國吏木訥於文辭重厚長者即召除丞  
相史史之言文刻深欲務聲名者輒斥之不治事日夜  
飲醇酒及卒百姓歌之曰蕭何為法較若畫一曹參代  
之守而勿失載其清淨民以寧壹又田蚡為丞相黜黃  
老刑名百家之言延文學儒者數百人儒由是興又田  
千秋無他才學功勞特以一言寤主旬月取宰相封富  
貴侯前代未有也又匡衡比十年之間不出長安城門  
而至丞相又宣帝時丙吉字少卿為丞相尚寬大好禮  
儀掾吏有罪不稱職與長休告終無按驗客或曰君侯  
為漢相姦吏成其私然無所懲艾乎吉曰夫以三公之  
府有按吏之名吾竊陋焉因為故事公府不按吏自吉

始於是官屬掾吏務掩過揚善吉常出逢羣闕者死傷  
橫道吉不問過之又逢人逐牛牛喘吐舌止駐使騎吏  
問逐牛行幾里掾吏怪之問吉吉曰人闕殺傷長安令  
京兆尹職所當禁吾備宰相不親小事方泰少陽用事  
未可以熱恐牛近行因省此時氣失節三公典調陰陽  
職所憂也又韋賢字長孺為丞相年七十餘乞罷歸私  
第丞相致仕自賢始也又孔光將拜丞相已刻侯印書  
策木拜上暴崩其夜於大行前拜受丞相博山侯印綬  
又薛宣為丞相相府辭訟不滿萬錢不為移書後遵用  
薛侯故事然官屬譏其煩碎無大體不稱賢相又王商  
為丞相天子歎曰此真漢相矣有天地大變天下大過  
則以病聞有天地大變天下大過皇帝使侍中持節乘  
四白馬賜上尊酒十斛斗一頭策告殃咎使者去半道  
丞相追上病使者還來白事尚書以丞相不起病聞若  
丞相不勝任使者策書駕駱馬即時布衣步出府免為  
庶人若丞相有他過使者奉策書駕驢騾馬即時步出

府乘棧車北馬蹄田里思過駝京媚切

凡丞相府門無闌不設鈴鼓言其

大開無節限後漢廢丞相及御史大夫而以三公綜理

衆務則三公復為宰相矣

前代丞相有蒼頭字宜祿至漢代有所闕白則叩閤呼宜

祿遂以為常關魚列切

至於中年以後事歸臺閣則尚書官為機

衡之任至獻帝建安十三年復置丞相而以曹公居之

又有相國魏黃初元年改為司徒

吳有左右丞相

而文帝復置

中書監令並掌機密自是中書多為樞機之任

說在中書今篇

其後定制置大丞相第一品後又有相國齊王以司馬

師為之

晉景帝

高貴鄉公以司馬昭為之

晉文帝

晉惠帝永

寧元年罷丞相復置司徒永昌元年罷司徒并丞相則

與司徒不並置矣

丞相與司徒廢置非一

其後或有相國或有丞

相省置無恒而中書監令常管機要多為宰相之任自

魏晉以來相國丞相多非尋常人臣之職

晉趙王倫梁王彤成都王

潁南陽王保並為之

元帝渡江以王敦為丞相轉司徒荀組為太

尉以司徒官屬并丞相為留府敦不受成帝以王導為

丞相罷司徒府以為丞相府導薨罷丞相復為司徒府

相國丞相皆袞冕  
綠綬綬監音吏

宋孝武帝初唯以南郡王義宣為丞

相而司徒府始如故亦有相國丞相金章紫綬進賢三  
梁冠絳朝服佩山玄玉相國則綠監綬也齊丞相不用  
人以為贈官梁罷相國置丞相罷丞相置司徒陳又置  
相國位列丞相上并丞相並為贈官按自魏晉以來宰  
相但以他官參掌機密或委知政事者則是矣無有常  
官其相國丞相或為贈官或則不置自為尊崇之位多  
非人臣之職其真為宰相者不必居此官

魏文帝以劉放孫資為中

書監令並掌機密晉武帝詔以荀勗為中書監侍中毗  
贊朝政張華為中書令侍中劉卞謂華曰公居阿衡之  
地東晉庾亮庾冰相次為中書監先是王導輔政以寬  
和得衆庾亮以法裁物頗失人心至冰經綸時務升擢  
後進朝野注心咸曰賢相殷浩為揚州刺史參綜朝權  
王敦為大將軍侍中上表曰臣備位宰輔謝安為中書  
監錄尚書省事宋文帝初徐羨之為司空錄尚書事後  
以江湛王僧綽俱為侍中任以機密後又以殷景仁為  
侍中左衛將軍與侍中右衛將軍王華侍中左衛將軍  
王曇首侍中劉湛四人俱居門下皆以風力局幹冠冕  
一時同時之美近代莫及初王弘為江州刺史加侍中  
後徵輔政以為侍中司徒錄尚書事而弘弟曇首為文  
帝所任與華相埒華常謂已力用不盡每歎息云宰相  
頓有數人天下何由得理湛母憂去職後徵為太子詹  
事加給事中與殷景仁並被任遇湛常云今代宰相何  
難此正可當我南陽郡漢代功曹耳沈演之為侍中衛

將軍文帝謂之曰侍中領衛俱為優重此蓋宰相便坐卿其勉之齊王儉為侍中尚書今常謂人曰江左風流宰相唯有謝安蓋自況也明帝顧命江祐兄弟及始安王遙光尚書令徐孝嗣領軍蕭坦之更日帖敕時呼為六貴皆宰相也梁何敬容初為吏部尚書侍中時徐勉為僕射參掌機事以疾陳解因舉敬容自代故敬容遷為僕射掌選事侍中如故此並為宰相後敬容屢轉他官參掌如故又王訓為侍中武帝問敬容曰褚彥回年幾為宰相對曰少過三十帝曰今之王訓無謝彥回彥回宋明帝時為侍中又周捨卒後朱异為散騎常侍代掌機密北齊韓軌為中書令尋授司空自以勲庸歷登台鉉按此則或掌機密或錄尚書或綜機權或管朝政或單侍中或給事中或受顧命皆為宰相也然侍中職任機務之司不必他名亦多為宰相其有侍中兼外官若宋王弘侍中兼內官若沈演之其例不少則非宰相蓋在當時委任而已自晉宋已來宰相皆文武自逸何

敬容獨勤庶務為代所嗤鄙姚察曰魏正始及晉之中  
朝俗尚於玄虛貴為放誕尚書丞郎以上簿領文案不  
復經懷皆成於令史逮乎江左此道彌扇唯下臺以臺  
閣之務頗欲綜理阮孚謂之曰卿常無閒暇不乃勞乎  
宋代王敬弘身居端右未嘗省牒風流相尚其流遂遠  
親白署空是稱清貴恪勤匪懈終滯鄙俗是使朝經廢  
於上衆職墮於下小人道長抑此之由嗚呼傷  
風敗俗而使何敬容之識理見譏薄俗者哉 後魏舊

制有大將軍不置太尉有丞相不置司徒自正光以後

始俱置之

神瑞元年置八大人官  
總理萬機時號八公

然而尤重門下官多

以侍中輔政則侍中為樞密之任

說在侍  
中篇

北齊乾明中

置丞相河清中分為左右各置府寮然而為宰相秉



持朝政者亦多為侍中

趙彥琛元文遙和士開同為宰相皆兼侍中

後周大

冢宰亦其任也其後亦置左右丞相大象二年以楊堅

為大丞相遂罷左右丞相官隋有內史納言

即中書令侍中

是

為宰相亦有他官參與焉

柳述為兵部尚書參掌機事又楊素為右僕射與高顯專

掌朝政

大唐侍中中書令是真宰相

尚書左右僕射亦嘗為宰相其間或改為

納言內史左相右相黃門監紫微令等名其本即侍中中書令也共有四員其僕射貞觀末始加平章事方為

宰相具僕射篇

其餘以他官參掌者無定員但加同中書門下

三品

貞觀十七年以兵部尚書李勣同中書門下三品同中書門下三品自此始也永淳弘道之際裴炎

為正議大夫守侍中崔知溫為正議大夫守中書令劉齊賢為中大夫守侍中並同中書門下三品按此當以階卑官高令所給祿秩同三品耳當時權時之及平章制其後亦有階卑為侍中中書令者即更不言

事知政事參知機務參與政事及平章軍國重事之名

者並為宰相

貞觀二年太宗謂侍臣曰中書門下機要之司擢才而居委任實重詔勅如有不便

皆須執論比來唯覺阿旨順情遂無一言諫諍者豈是道理若唯置勅行文而已人誰不堪何須簡擇以相委付自今以後詔勅疑有不穩必須執之

亦漢行丞相事之例也

韓安國為御史大夫

行丞相事後漢書曰周澤行司徒事如真高宗元徽五年召宰相議廢皇后王氏立武昭儀為后褚遂良奏曰先帝疾甚執陛下手以語臣曰我兒好新婦今將付卿皇后恐不可廢遂置笏於殿陛叩頭流血上大怒命引

出之遂良貶官侍中韓瑗上疏理之不納表請歸田不  
許瑗又上疏切諫來濟亦密表諫不納儀鳳元年四月  
上以風疾欲令武太后攝知國政中書令郝處俊曰臣  
聞禮經天子理陽政后理陰道則外內和順國家以理  
帝之與后陰之與陽各有所主不相奪也若失其序上  
則謫見於天下則禍成於人昔魏文帝著令雖有少主  
尚不許皇后臨朝所以追監成敗杜其萌也況天下者  
高祖太宗之天下陛下正合謹慎宗廟傳之子孫誠不  
可持國與人有私於后且曠古以來未有此事伏乞特  
賜詳審武太后神功元年嘗召陸元方問以外事對備  
位宰臣有大事即奏人間碎務不敢以煩聖鑒聖歷三  
年臘月張易之兄弟貴寵踰分懼不全請計於宰相吉  
頊頊曰公兄弟承恩深矣非有大功於天下自古罕有  
全者唯有一策苟能行之豈止全家亦當享茹土之封  
耳易之涕泣請之頊曰天下思唐德久矣主上春秋高  
武氏諸王殊非所屬意公何不從容請廬陵相王以繼

先人之願易之乃乘間屢言太后納之既而知項之諫乃詔問項項對曰廬陵相王皆陛下之子高宗初託於陛下當有所主乃追中宗馬睿宗登極方發問遂追贈為御史大夫制云王命中絕人謀未輯首陳反正之議克創祈天之本中宗神龍元年二月侍中桓彥範上疏曰伏見陛下每臨朝政皇后必施帷幔殿上得聞政事詳求往代帝王未有與婦人謀及政事者莫不破國亡身傾軛繼路且以陰乘陽違天也以婦凌夫違人也違天不祥違人不義由是古人譬以牝雞之晨惟家之索易曰無攸遂在中饋言婦人不得參於國政也伏願皇后無往正殿干及外朝專在中宮修陰教則坤儀式固鼎命久永不納景龍四年中宗遺制韋庶人輔少主知政事安國相王參謀輔政中書令宗楚客謂韋溫曰今既皇太后臨朝宜傳相王輔政且皇后於相王嫂叔不通問之地甚難為儀注理全不可宰相蘇瓌獨正色拒之謂曰遺制是先帝意若可改何名遺制楚客大怒竟

削相王輔政而宣行

自先天之前其員頗多景龍中至十餘人開

元以來常以二人為限或多則三人

武太后聖歷三年四月勅同中書門

下三品平章事賜會並同中書門下三品例開元十年十一月勅自今以後中書門下宜共食寶封三百戶二

十二年十一月制宰相兼官者並兩給俸祿

天寶十五年之後天下多難勳

賢並建故備位者衆然其秉鈞持衡亦一二人而已

舊制

起居舍人及起居郎唯得對仗承旨仗下之後謀議不得聞武太后時文昌右丞姚璩以為帝王譏訓不可無紀若不宣自宰相史官無從而知表請仗下所言軍國政要則宰相一人撰錄每月封送史館謂之時政記自

琦始

舊制宰相常於門下省議事謂之政事堂至永淳

三年七月中書令裴炎以中書執政事筆其政事堂合

在中書遂移在中書省開元十一年張說奏改政事堂

為中書門下其政事印亦改為中書門下之印

至德二載三月

宰相分直主政事筆每一人知十日貞元十年五月八日又分每日一人執筆

○丞相司直漢

武元狩五年置掌佐丞相舉不法位在司隸校尉上翟

方進為司直旬歲間免兩司隸

旬歲猶言滿歲若十日之一周

後漢罷

丞相光武以武帝故事置司徒司直居司徒府助司徒

督錄諸州郡所舉上奏司直考察能否以徵虛實建武

十一年省獻帝建安八年復置司直不屬司徒掌督中

都官不領諸州九年詔司直皆比司隸校尉坐同席在

上假傳置也

伏湛字惠公光武以湛才任宰相拜為司直行大司徒事

後無

石勒置都部從

事各部一州秩二千石准丞相司直

○丞相長史漢文帝二年置一丞相

有兩長史

漢百官表云丞相有兩長史而張湯傳云殺臣者三長史也顏師古云兼有守者非正員

故耳蓋衆史之長也職無不監

田仁為丞相長史上書言天下太守皆下吏誅死武

帝悅拜仁為丞相司直威振天下

介憤進賢一梁冠朱衣銅印黃綬劉

屈髦為左丞相分丞相長史為兩府以待天下遠方之

選

待得賢人常拜為右丞相

後漢建武中省司直有長史一人魏武

為丞相以來置左右二長史而已。丞相諸曹吏掾屬

三十御屬一魏武為丞相置徵事二人

建安十五年初置徵事二人以

邴原王烈

舊有東西曹自魏武大軍還鄴乃省西曹

時毛

邴補之

玠為東曹掾與崔瑗並典選舉請謁不行時人憚之及議併省咸欲省東曹皆曰舊西曹為上東次之宜省東曹也魏武知其情令曰日出於東月咸於西凡人言方亦復先東遂省西曹

及咸熙中司馬

昭為相國相國府置中衛驍騎二將軍左右長史司馬

從事中郎主簿舍人參軍東西曹及戶賊金騎兵車鎧



水集法奏倉士馬媒等曹掾屬凡四十二人晉元帝以鎮東大將軍為丞相丞相府置從事中郎分掌諸曹有錄事郎度支中郎三兵中郎其參軍則有諮議參軍二人主諷議事江左初置軍諮祭酒有錄事記室東曹西曹等十三曹其後又置七曹宋武帝為相合中兵直兵置一參軍曹則猶二也

其小府不置長流參軍者置禁防參軍蜀丞相諸葛亮有

行參軍管太傅司馬越府又有行參軍兼行參軍後漸加長兼字除拜則為參軍事府板則為行參軍晉宋以來參軍各有除板行參

又有參軍督護東曹督護二督

軍下則長兼行參軍

護江左置

門下省

門下省後漢謂之侍中寺

嘉平六年改侍中寺

晉志曰給事黃門

侍郎與侍中俱管門下衆事或謂之門下省至齊亦呼

侍中為門下領給事黃門侍郎公車太學太醫等令丞

及內外殿中監內外驛騶廐散騎常侍給事中奉朝請

駙馬都尉等官梁門下省有侍中給事黃門侍郎四人

掌侍從儉相盡規獻納糾正違闕監合嘗御藥封璽書

後魏尤重北齊門下省掌獻納諫正及司進御之職有

侍中給事黃門侍郎各六人統左右局

左右局掌承  
華閣內諸事尚

食

主御  
食

尚藥

主御  
藥

尚衣

主御  
衣服

殿中

領殿中監掌駕前奏  
引行事制諸修補東

耕則進  
勅事  
隋改為殿內

凡六局焉隋門下省有納言二人給事黃

門侍郎四人

煬帝  
二人

及散騎常侍諫議大夫等官並掌陪

從朝直兼統六局開皇三年罷門下省員外散騎常侍

員煬帝即位加給事員廢常侍諫議等官又改殿內省

隸門下省大唐龍朔二年改門下省為東臺咸亨初復

舊至武太后臨朝光宅初改為鸞臺神龍初復舊

聖歷三年

四月勅別勅賜物中書門下省官正三品准二品五品准四品開元七年八月初勅中書門下厨薪料破用外餘有官分取開元元年改為黃門省五年復舊有侍中二人

黃門侍郎二人給事中四人左散騎常侍二人諫議大夫四人典儀二人起居郎左補闕左拾遺各二人城門郎四人符寶郎四人弘文館校書二人其餘小吏各有差

侍中

侍郎起居

給事中

散騎常侍

諫議大夫

符

寶郎 弘文館校書郎等

侍中者周公戒成王立政之篇所云常伯任以為左右

即其任也

漢官曰選於侯伯輔補袞闕言其道可常尊故曰常伯周禮有太僕千寶注云若侍中

秦為侍中

晉志曰黃帝時風后為侍中此皆出於兵家及讖緯之文不足徵也劉昭釋太尉其義詳

矣本丞相史也使五人往來殿內東廂奏事故謂之侍

中漢侍中為加官凡侍中左右曹諸吏散騎中常侍皆

為加官

漢儀注諸吏給事中日上朝謁平尚書奏事分為左右曹

所加或列侯將軍

卿大夫將都尉尚書太醫太官令至郎中

無員將為郎將以下也自

列侯下至郎中  
皆得有此加官

多至數十人侍中中常侍得入禁中諸

曹受尚書事諸吏得舉法漢侍中冠武弁大冠亦曰惠

文冠加金璫附蟬為文貂尾為飾

侍中服則左貂常侍服則右貂金取堅剛

百鍊不耗蟬取居高食潔貂取外勁捍而內溫潤此  
本趙武靈王胡服之制秦破趙得其冠以賜侍中便

繁左右與帝升降舊用儒者然貴子弟榮其觀好至乃

襁抱坐受寵位貝帶脂粉綺襦紈袴鵷鷺冠

惠帝時侍中鵷鷺冠

具帶傅脂粉張辟彊年十五桑弘羊年十三並  
為侍中鵷鷺思俊切鵷魚奇切鵷鷺似鳳凰神鳥

直侍左

右分掌乘輿服物下至褻器虎子之屬

蘇則與吉茂同  
隱於太白山後

則為侍中侍中舊親省起居故謂之執虎子茂見則嘲  
曰仕進不止執虎子則笑曰誠不能效汝蹇蹇鹿車驅

武帝時孔安國為侍中以其儒者特聽掌御唾壺朝廷

榮之本有僕射一人

秦漢以侍中功高者一人為僕射

後漢光武改僕

射為祭酒或置或否而文屬少府掌贊導眾事顧問應

對

桓帝末侍中皇蟬參乘問貂璫何法不知所出又問地震云不為災還宮左遷議郎

法駕出則

多識者一人負國璽操斬白蛇劍參乘餘皆騎在乘輿

後獻帝即位初置六人贊法駕則正直一人負璽陪乘

大駕出則次直侍中護駕正直侍中負璽參乘不帶劍餘皆騎從

殿內門下眾事皆掌

之

曹鮪字孝孫父子兄弟並帶青紫三代侍中又劉叔為侍中補政二百餘事悉有篇章又戴憑字次仲拜

侍中帝令羣臣說經更相難詰義不通輒奪其席以益通者憑遂重坐五十餘席故語曰解經不窮戴侍中盧植為侍中董卓欲廢帝唯植獨正色止之

後選侍中皆舊儒高德學識淵懿

仰瞻俯視切問近對喻旨公卿上殿稱制秉笏陪見舊在尚書令僕射下尚書上司隸校尉見侍中執板揖侍中舊與中官俱止禁中因武帝時侍中馬何羅挾刀謀逆由是出禁外有事乃召之畢即出王莽秉政侍中復入與中官止禁中章帝元和中郭舉與後宮通拔佩刀



驚上舉伏誅侍中由是復出外秦漢無定員

蔡質漢儀曰員本八

人漢官曰無員侍中舍有八區論者因言員本八人省其門題尚書寺此孝明帝治於東宮尚書樸也

魏

晉以來置四人別加官者則非數

辛毗字佐理為侍中文帝欲徙冀州人家

十萬戶實河南時連蝗民饑毗諫其不可帝不答起入內毗隨而引其裾帝奮衣起不還良久乃出曰佐理卿持我何太急耶遂徙其半王粲為侍中曹植集贈粲詩曰戴蟬珥貂朱衣皓帶入侍帷幄出擁華蓋御駕

登樓與散騎常侍扶侍中居左常侍居右備切問近對

拾遺補闕及江左興寧四年桓溫奏省二人後復舊

晉武

帝時彭權為侍中帝問侍臣髦頭之義何也權曰秦紀云秦國有奇怪獸觸山截波無不崩潰唯畏髦頭故使

持之以衛至尊也又嵇紹字延祖晉惠帝時為侍中王  
師敗績左右皆奔散唯紹儼然端冕以身捍衛遂遇害  
於帝側血濺御服及事定左右欲浣之帝曰此是嵇侍  
中血勿去之又庾珉為侍中隨孝懷帝沒胡在平陽劉  
聰大會使帝著青衣行酒珉不勝悲憤跪受號哭聰殺  
之後贈真侯又褚翼字謀遠為侍中燕峻作亂王師敗  
績火及宮室手抱天子登太極殿峻兵入叱翼令下翼  
不動曰燕冠軍來覲至尊軍人豈得逼侵宮禁於是兵  
士不敢上太極殿峻執政猶以為侍中時鍾雅亦為侍  
中謀奉天子出投義軍事覺為峻所害又王燕為侍中  
孝武崩王國寶夜欲開門入為遺詔爽拒之曰  
皇帝晏駕太子未至輒入者斬國寶懼乃止

侍中漢

代為親近之職魏晉選用稍增華重而大意不異

晉任  
愷字

元衷為侍中萬機大小多管綜之性中正以社稷為已  
任惡賈充之為人不欲久執朝政或為充謀曰愷總門

下樞要得與上親接宜啓令典選使得漸疎此一都令  
史事耳九流難精間隙易乘充因稱愷才能宜在官人  
之職即日以愷為吏部  
尚書由是侍親轉稀  
武冠絳朝服佩水蒼玉舊遷列

曹尚書美遷中領護吏部尚書宋文帝元嘉中王華王

曇首殷景仁等並為侍中情任親密

王華等每與帝接  
膝共語貂拂帝手

拔貂置案上語畢復手拂之孝武時侍中何偃南郊陪  
乘鑾輅過白門閤偃將匐帝反手接之曰朕反陪卿也  
又宋孝武代選侍中四人並以風貌王或與謝莊為一  
雙阮韜與何偃為一雙常克兼假又謝朓字敬仲宋末  
為侍中及齊受禪之日朓在直百寮陪位侍中當解帝  
璽朓佯不知傳詔曰解璽授齊王朓曰齊自應有侍中  
乃引枕卧傳詔懼使稱疾朓曰我無疾何可道遂朝服  
步出門得車還宅是日遂以王儉為侍中解璽齊高祖

曰我若誅之令遂成名乃廢於家  
永明中復為侍中至梁亦為侍中  
齊侍中高功者稱侍

中祭酒其朝會多以美姿容者兼官

欲以陸慧曉為侍中以形短小乃止

永元三年東昏南郊不欲親朝士以主璽陪乘前代未

嘗有

齊有主璽主衣等官

梁侍中高功者在職一年詔加侍中祭

酒與散騎侍郎高功者一人對掌禁令此頗為宰相矣

王訓字懷範遷侍中既拜入見武帝問何敬容曰褚彥  
回年幾為宰相對曰少過三十上曰今之王訓不謝彥  
回又曰柳慶遠為侍中嘗失火禁中驚懼帝悉歛諸門  
鎗問柳侍中何在既至悉付之又王峻與謝淪約官至  
侍中不復  
陳侍中亦如梁制後魏置六人加官在其數  
謀仕進

宜都王穆壽廣平公張黎並以侍中輔政北齊侍中亦  
六人後周初有御伯中大夫二人掌出入侍從屬天官  
府保定四年改御伯為納言斯侍中之職也宣帝末又  
別置侍中為加官隋又改侍中為納言置二人煬帝大  
業十二年又改納言為侍內

隋氏諱忠故凡中皆曰內

大唐初為納

言武德四年改為侍中亦置二人龍朔二年改為左相  
咸亨元年復舊光宅元年又改為納言神龍元年復為  
侍中開元元年又改為黃門監五年復為侍中天寶元

年改為左相

至德初復為侍中自隋至今皆為宰相舊班正三品大厯二年升為從二品

按

令文掌侍從負寶獻替贊相禮儀審署奏抄駁正違失監封題給驛券監起居注總判省事○門下侍郎秦官

有黃門侍郎漢因之

劉向與子歆書曰今若年少得黃門侍郎要處也

與侍中

俱管門下衆事無員郊廟則一人執蓋臨軒朝會則一

人執麾凡禁門黃闥故號黃門其官給事於黃闥之內

故曰黃門侍郎初秦漢別有給事黃門之職

揚雄為給事黃門

後漢併為一官故有給事黃門侍郎掌侍從左右給事

中使闕通中外及諸王朝見於殿上引王就座無員屬

少府

又漢舊儀曰屬黃門令

日暮入對青瑣門拜故謂之夕郎

官闕

薄曰青瑣門在南宫衛璫注吳都賦曰青瑣戶邇青鏤也

獻帝初即位置侍中給事

黃門侍郎員各六人出入禁中近侍帷幄尚書事後更

給事黃門侍郎為侍中侍郎去給事黃門之號旋復故

初誅黃門後侍中侍郎出入禁闥機事頗露由是王允

乃奏比尚書不得出入不通賓客自此始

荀悅為黃門侍郎郭況以

后弟小心謹慎年十六為黃門侍郎

魏晉以來給事黃門侍郎並為侍衛

之官員四人

魏杜君名恕字務伯為黃門侍郎每政有得失常引綱維以正言吳孫丞為黃門侍

郎與顧榮俱為侍臣吳歸命詔曰自今以後用侍郎當如宗室丞顧榮儔也山公啓事曰黃門侍郎和嶠最有才可為吏部郎詔曰欲令在左右更求其次又曰黃門侍郎荀彧清和理正動可觀採真侍衛之美者

宋

制武冠絳朝服多以中書侍郎為之齊亦管知詔令呼

為小門下梁增品第與侍中同掌侍從儼相威儀盡規

獻納糾正違闕監合嘗御藥封璽書陳制亦然後魏亦

有

崔光為黃門侍郎未嘗留心文案唯從容論議參贊大政

北齊置六人所掌與侍

中同後周天官府置御伯下大夫二人武帝改為納言



下大夫隋六人屬門下省至煬帝減二人而去給事之

名

煬帝初嗣位猶以張衡為給事黃門侍郎初劉行本為黃門侍郎文帝嘗怒一郎於殿前答之行本進諫

帝不顧行本乃正當前曰陛下不以臣不肖置臣左右豈得輕臣而不顧乃置笏於地而退上謝之而原所

答

大唐龍朔二年改黃門侍郎為東臺侍郎

武德二年四月溫大

雅為黃門侍郎弟彥博為中書侍郎居近侍高祖謂曰我起晉陽為卿一門耳至五年五月弟彥博又為中書侍郎高宗總章元年十月東天竺烏徒國長年婆羅門盧伽逸多受詔合丹上捋餅之東臺侍郎郝處俊諫曰脩短有天命未聞萬乘之主輕服番夷之藥昔貞觀末先帝令婆羅門僧那羅爾娑婆寐依其本國仙方合長年神藥胡既有異術微求靈草祕石歷年而成先帝服之竟無異效大漸之際名醫莫知所為欲歸罪於胡人

將伸大戮又恐取笑夷狄遂止  
龜鑑若是惟陛下深察遂止

咸亨元年復舊光宅元

年改為鸞臺侍郎神龍元年復舊天寶元年改為門下

侍郎

至德中復舊舊制正四品上大厯三年又改為門下侍郎升從三品

員二人掌侍從

署奏抄駁正違失通判省事若侍中闕則監封題給驛

券○給事中加官也秦置漢因之所加或大夫博士議

郎掌顧問應對位次中常侍侍中黃門無員

漢官表曰凡侍中左

右曹諸吏散騎中常侍皆加官也

諸給事中日上朝謁平尚書奏事分

為左右曹以有事殿中故曰給事中漢東京省魏代復

置或為加官或為正員晉無加官亦無常員在散騎常侍下給事黃門侍郎上武冠絳朝服宋齊隸集書省梁陳亦掌獻納省諸聞奏後魏無員北齊亦屬集書省凡六十人後周天官之屬有給事中士六十人掌理六經給事左右其後別置給事中有在六官之外隋初無至開皇六年始詔吏部置給事郎

凡置八郎說在爵命篇

煬帝乃移吏

部給事郎為門下之職位次黃門下置員四人以省讀奏案大唐武德三年改給事郎為給事中後定為四員

龍朔二年改為東臺舍人咸亨元年復舊常侍從讀署  
奏抄駁正違失分判省事若侍中侍郎並闕則監封題  
給驛券前代雖有給事中之名非今任也今之給事中

蓋因古之名用隋之職○散騎常侍自秦置散騎又置

中常侍散騎並乘輿

並音步浪切騎而散從無常職

後中常侍得入禁

中皆無員漢因之並加官

說在侍中篇

散騎有常侍侍郎與

侍中黃門侍郎後漢中初省散騎而中常侍改用宦者

魏文帝黃初初置散騎合於中常侍謂之散騎常侍後

用士人始以孟達補之久次者為祭酒

孟達字子度自蜀降魏魏文帝

善達之姿才容觀以為散騎常侍

散騎常侍掌規諫不典事貂璫插右

騎而散從又有員外者因曰員外散騎常侍晉太始中

令員外散騎常侍二人與散騎常侍通員直因曰通直

散騎常侍亦武冠右貂金蟬絳朝服佩水蒼玉

山公啟事曰郗

詵才志器局當為黃散黃散謂黃門侍郎及散騎常侍又曰散騎常侍缺當取素行者補之遂舉郗詵又阮孚字遙集為散騎常侍嘗以金貂換酒為所司彈糾帝宥之又曰賈充為常侍後改常侍為侍中未詳其義散騎常侍黃門侍郎雖隸門下而別為一省

潘岳云寓直散騎省

自魏

至晉共平尚書奏事東晉乃罷之而以中書職入散騎

省故散騎亦掌表詔焉

鄭默字思玄為散騎常侍武帝出南郊侍中以陪乘請詔曰使

鄭常侍謂默曰卿知何以得參乘昔州內舉卿也為十  
二郎中正舉也又傳玄為散騎常侍與皇甫陶俱掌直  
諫又華嶠字叔駿加散騎常侍班同中書寺為內臺中  
書散騎著作及理禮音律天文數術南省文章門下撰  
集皆典掌統之宋置四人屬集書省齊散騎侍郎通直散騎侍

郎員外散騎侍郎並為集書省職而散騎常侍為東省

官

其二衛四軍五校為西省官說在將軍總叙篇周盤  
龍自北平將軍為散騎常侍武帝戲之曰卿著貂蟬

何如兜鍪對曰此貂蟬從兜鍪中出耳

散騎常侍通直散騎常侍員外散

騎常侍舊為顯職與侍中通官其通直員外用哀老人  
士故其官漸替宋大明中雖革選比侍中而人情久習  
終不見重尋復如初梁謂之散騎省天監六年詔又革

之六年詔曰在昔晉初仰惟盛化常侍侍中並參帷幄  
員外常侍特為清顯可分門下二局委散騎常侍侍  
中並侍帷幄書奏分曹入集書通直常侍本  
為顯爵員外之選宜參舊准人數依正員格自是散

騎視中丞通直視侍中員外視黃門郎然而常侍終非  
華胄所悅常侍亦四人功高者一人為祭酒與侍中高  
功者一人對掌禁令糾諸逋違陳因梁制後魏北齊皆

為集書省掌諷議左右從容獻納領諸散騎常侍侍郎  
及諫議大夫給事中等官兼以出入王命位在中書之

右

魏高祖謂散騎常侍元景曰卿等自在集書閣省通  
墮致使王言違滯起居不修又宋弁為散騎常侍遷

右將軍領黃門并屢讓高祖曰散騎位在中書之右常  
侍者黃門之庶兄領軍特二衛之假攝不足空存推讓

而棄大

其資叙為第三清

明毫為常侍加武勇將軍進  
曰臣本官常侍是第三清今

授武勇其  
號至濁

北齊常侍定限八員如金紫光祿大夫隋諸

散騎官並屬門下省凡歷代散騎官有郎騎常侍

漢書  
有之

顏師古曰官為郎而常侍  
以侍天子故為郎騎常侍

散騎常侍散騎侍郎

魏初與  
散騎常



侍同

# 員外散騎常侍

魏末置齊梁用人卑雜又朱异為員外常侍侍中中領軍中書舍人

四職並驅鹵簿近代未之有也又賀琛字國寶

## 員外散

# 騎侍郎

晉武帝置晉代名家身有國制者起家多為員外散騎侍郎

## 通直散騎常侍

按魏末散騎常侍又有在員外者晉太始十年武帝使二人與散騎常侍通員直故謂之通直散騎常侍齊梁微輕北齊張景仁除通直散騎常侍及奏御筆點除通直字遂為正常侍

## 通直散騎侍郎

初

武帝置員外散騎侍郎及太興中元帝使一人與散騎侍郎通直故謂之通直散騎侍郎按歷代常侍或有員外者或有通直者故史傳中謂員外散騎侍郎或單謂之員外郎謂通直散騎侍郎或單為通直郎其非員外及通直者或謂之政員散

## 大唐貞觀二年制諸散騎常

侍皆為散官從三品後悉省之貞觀十七年復置為職

事官始以劉洎為之其後定制置四員屬門下掌侍從

規諫顯慶二年遷二員隸中書遂分為左右

左屬門下右屬中書

左散騎與侍中左貂右散騎與中書令右貂謂之八貂

龍朔二年改左右散騎常

侍為左右侍極咸亨元年復舊○諫議大夫秦置諫議

大夫掌議論無常員多至數十人屬郎中令至漢武帝

元狩五年始更置之

劉輔以美才擢為諫議大夫成帝欲立趙婕妤為皇后輔上書曰陛

下乃觸情縱欲以卑賤之女母天下乎里語曰腐木不可以為柱卑人不可以為主臣辱諫諍之官不敢不盡

死書奏收輔繫掖庭秘獄又王褒貢禹  
王吉匡衡何武夏侯勝嚴助等並為之  
後漢增諫大夫

為諫議大夫

後漢書曰來歙父仲哀  
帝時為諫議大夫誤矣

亦無常員

更始拜  
鄭興為

諫議大夫使  
安集關西

二漢並屬光祿勳

韋彪字孟達上疏曰諫  
議之職應用公直之士

通才審正有補益於朝者今或從  
徵試輩為之不宜也自後無聞矣

後魏亦曰諫議大夫

北齊有七人屬集書省後周地官府有保氏下大夫規

諫於天子蓋此其任也隋亦曰諫議大夫置七人屬門

下省煬帝廢之大唐武德五年復置屬門下

王珪為諫  
議大夫嘗

有諫論太宗稱善遂詔每宰相入內平章大計必使諫  
官隨入與聞政事貞觀十七年太宗問諫議大夫褚遂

良曰舜造漆器禹雕其俎當時諫者十有餘人食器之間若諫何也遂良對曰雕琢害農事纂組傷女工首創奢淫危亡之漸漆器不已必金為之金器不已必玉為之所以諍臣必諫其漸及其滿盈無所復陳上然之

龍朔二年改諫議大夫為正諫大夫

武后臨朝垂拱二年六月置匭四區

共為一室列於朝堂東方春色青有能告以養人及勸農可投書於青匭銘之曰延恩南方夏色赤有能正諫論時政之得失可投書於丹匭銘之曰招諫西方秋色白有能自陳抑屈可投書於素匭銘之曰申寃北方冬色玄有能謀智者可投書於玄匭銘之曰通玄宜令正諫大夫補闕拾遺等一人充使知匭事每日所有投書至暮即進天寶九載三月改匭為後又置諫議大夫屬獻納至德元年十月復改為匭

中書

延載元年山人武什方拜正諫大夫平章事

開元以來廢正諫大夫復

以諫議大夫屬門下凡四人掌侍從規諫

至德元年九月制諫議大

夫論事自今以後不須令宰相先知乾元二年四月兩省諫官十日一上封事直論得失無假文言冀成殿最用存沮勸大歷七年二月其四員外內供奉不得過正員數貞元四年五月分為左右各四員其右諫議隸中

書省○今起居周官有左右史記其言事蓋今起居之本

動則左史書之言則右史書之左史記言右史記事

漢武帝有禁中起居後漢馬

皇后撰明帝起居注則漢起居似在宮中為女史之任

又王莽時置柱下五史秩如御史聽事侍傍記其言行此又起居之職自魏至晉起居注則著作掌之其後起

居皆近侍之臣錄記也錄其言行與其勲伐歷代有其職而無其官後魏始置其起居令史每行幸宴會則在御左右記錄帝言及宴賓客訓答後又別置修起居注二人以他官領之北齊有起居省後周有外史掌書王言及動作之事以為國志即起居之職又有著作二人掌綴國錄則起居注著作之任自此而分也至隋初以吏部散官及校書正字有敘述之才者掌起居之職以納言統之至煬帝以為古有內史外史今著作如外史

矣宜置起居官以掌其內乃於內史省置起居舍人二

員次內史舍人下

庾自直崔攄祖虞世南  
蔡允恭等皆為此職

大唐貞觀二年

省起居舍人移其職於門下置起居郎二人顯慶中復

於中書省置起居舍人遂與起居郎分掌左右龍朔三

年改為左右史

郎為左史舍  
人為右史

咸亨元年復舊天授元年

又為左右史神龍初復舊每皇帝御殿則對立於殿

左郎

右舍人

有命則臨陛俯聽退而書之以為起居注凡冊命

啓奏封拜薨免悉載之史館得之以撰述焉

今狐德棻  
呂才蕭鈞

褚遂良上官儀李安期顧胤高智周張大素凌季友等並為起居皆有名賢者

○補闕拾遺武

太后垂拱中置補闕拾遺二官以掌供奉諷諫天授二

年各增置通前為五員三年舉人無賢愚咸加擢用高

者試鳳閣侍郎給事中次或試員外郎侍御史補闕拾

遺校書郎當時頗為濫雜著於謠誦

謠曰補闕連車載拾遺平斗量把椎

侍御史稅脫校書郎景雲二年左補闕辛替否論時政上疏曰臣請以有唐以來理國之得失陛下之所眼見者以言太宗文皇帝陛下之祖得至理之體設簡要之方省其官清其吏舉天下職司無一虛授用天下之財帛無一枉費不多造寺觀而福德自至不多度僧尼而殃咎自滅陛下何不取而則之孝和皇帝陛下之兄不



取賢良之言而恣妻女之意拜爵非擇虛食祿者數千人封進無功妄食土者百餘戶造寺不止枉費財者數百億度人不休免租庸者數十萬倉不停半歲之儲庫不貯兩年之帛奪百姓口中之食以養貪殘剝萬民體上之衣將塗土木於是人怨神怒水旱不調享國不永受終於凶婦人此陛下之所眼見今陛下族阿韋之家宗而不改阿韋之亂政忍棄太宗之理本不忍棄孝和之亂階陛下又何以繼祖宗而觀萬國昔陛下在阿韋之時危亡是懼常切齒於羣尤今貴為天子富有四海而不改羣尤之事臣恐復有切齒於陛下者也先朝之時愚智知敗人雖有口而不敢言言未發聲禍將及矣韋月將受誅於丹獄燕欽融見殺於紫庭此人皆不惜其身而納忠於主身既死矣主亦危矣是故先朝誅之陛下賞之是陛下知直言之事有裨於國臣今日愚言亦當代之直

自開元以來尤為清選左右補闕各二人

伏惟察之

內供奉者各一人左右拾遺亦然

兩省補闕拾遺凡十二人

左屬門

下右屬中書○典儀二人大唐置周禮秋官有司儀上士八人中士十六人蓋此典儀之任齊職儀云東宮殿中將軍屬官有導客局置典儀錄事一人掌朝會之事梁有典儀之職未詳何曹之官掌唱警唱奏之事朱服武冠陳亦有之後魏置典儀監史闕其員及所掌大唐初隸門下省初用人皆輕至貞觀李義府為之是後常用士人領贊者以知贊唱之節及殿庭版位之次○城

門郎周禮地官有司門下大夫二人上士四人並城門郎之任初漢置城門校尉員一人掌城門屯兵有司馬及丞各一人十二城門候各一人出從緹騎百二十人

緹徒  
分切

蓋魚監門將軍之職魏因之晉制銀章青綬絳朝

服武冠佩水蒼玉元帝省之宋齊俱以衛尉掌宮城屯兵及管鑰之事梁陳二代依秦漢以光祿卿等掌宮殿門戶亦無城門之職後魏置城門校尉北齊衛尉寺統城門寺置城門校尉二人掌宮殿城門并諸倉庫管鑰

之事後周地官府置宮門上士一人下士一人掌皇城十二門之禁令蓋並在其任隋氏門下省統城門局校尉二人煬帝大業三年又隸殿中省十二年又減一人後又改校尉為城門郎置四人又隸門下省大唐因之

○符寶郎周官有典瑞掌節二官掌瑞節之事

瑞節信也典瑞

屬春官掌

節屬地官秦漢有符節令丞領符璽郎

昭帝幼冲霍光秉政殿中夜驚

光召求符璽符璽郎不肯授光奪之郎按劍對曰臣頭可得璽不可得也光壯之增秩二等

文帝二

年初與郡守為銅虎符竹使符之制又皆屬焉

應劭曰銅虎符

第一至第五國家當發兵遣使者至郡合符符合乃聽受之竹使符者以竹箭五枚長五寸鐫刻篆書第一至第五顏師古曰符與郡守各分其半右留京師左以與之

後漢有符節令兩梁冠位

次御史中丞別為一臺而符節令一人為臺率掌符節之事屬少府魏與後漢同晉太始元年省并蘭臺置符節御史掌其事宋與晉齊蘭臺有主璽令史以治書侍御史領之梁陳御史臺亦有符節令史後魏御史臺領符節令符節令領符璽郎中北齊有符節署餘與後魏同

符節令一人符璽郎中四人

後周有主璽下士掌國璽之藏隋初

有符璽局置監二人屬門下省煬帝改監為郎大唐因之顯慶三年改為符寶郎神龍初復為符璽郎開元初復為符寶郎

天寶五年六月勅玉璽既為寶宜為璽書十年正月改傳國璽為承天大寶

其

符節並納於宮中有行從則請之郎掌諸進符寶出納幡節也○弘文館大唐武德初置修文館後改名弘文館神龍初改為昭文二年又却為修文尋又為昭文開元七年又稱弘文焉儀鳳中以館中多圖籍未詳正委學士校理自垂拱以來多大臣兼領館中有四部書自

貞觀初褚亮檢校館務學士號為館主因為故事每令給事中一人判館事校書二人學生三十人

### 中書省

中書之官舊矣謂之中書省自魏晉始焉梁陳時凡國之政事並由中書省省有中書舍人五人領主書十人書吏二百人

書吏不足并取助書

分掌二十一局事各當尚書諸

曹並為上司總國內機要而尚書唯聽受而已被委此官多擅威勢後魏亦謂之西臺

宣武帝謂中書監崔光曰卿是朕西臺大臣

北齊中書省管司王言并司進御之樂及清商龜茲諸

部伶官隋初改為內史省置令二人侍郎四人

煬帝減侍郎二

人舍人八人

煬帝減去四人

通事舍人十六人煬帝加起居舍

人而改通事舍人為謁者臺職大唐武德三年復中書

省龍朔二年改為西臺咸亨初復舊光宅元年改為鳳

閣

凡中書官隨署名改

神龍初復舊開元元年改為紫微省五年

復舊

時謂尚書省為南省門下中書為北省亦謂門下省為左省中書為右省或通謂之兩省

令二

人侍郎二人舍人六人右散騎常侍起居舍人右補闕



右拾遺各二人通事舍人十六人其餘小吏各有差

中書令

侍郎  
史官

舍人

通事舍人

集賢學士

舜攝位命龍作納言出入帝命周官內史掌王之八柄  
爵祿廢置生殺與奪執國法及國令之貳以考政事蓋  
今中書之任其所置中書之名因漢武帝遊宴後庭始  
以宦者典事尚書謂之中書謁者置令僕射

不言謁者  
省文也

元帝時令弘恭僕射石顯秉勢用事權傾內外蕭望之  
以為中書政本宜以賢明之選更置士人自武帝故用

官者掌出入奏事非舊制也成帝建始四年改中書謁

者令曰中謁者令更以士人為之皆屬少府漢東京省

中謁者令官

時有中官謁者令非其職也

魏武帝為魏王置秘書令

典尚書奏事又其任也文帝黃初初改為中書令又置

監以秘書左丞劉放為中書監右丞孫資為中書令並

掌機密中書監令始於此也及明帝時中書監令號為

專任其權重矣

時中護軍蔣濟上疏諫曰夫人臣太重者國危左右太親者身蔽古之至識權

在下者則衆心慢上勢之常也今外所言輒云中書實握事要日在目前儻因疲倦之間有所割制衆臣見其

能推移於事即亦廻附向之請分任  
衆官不使聖明之朝有專吏之名也  
晉因之置監令一

人始皆同車後乃異焉

初監令常同車入朝及和嶠為  
今荀勗為監嶠意抗鄙荀巧佞

以意氣加之專車而坐  
自此監令乃使異車

魏晉以來中書監令掌贊詔命

記會時事典作文書

司馬景王命中書令虞松作表并  
至不可意松錫思不能改正鍾會

視其草為定五字松大說服又荀勗為中書監使子組  
草詔傳祇為監病風又使息暢為啟華廩為監時成事  
多不洩廩啟武帝召授子蒼草詔前後相承以子第管  
之自此始也又王獻之為中書令啟瑯琊王為中書監  
表曰中書職掌詔命非輕才所能獨任自晉建國嘗命  
宰相參領中興以來益重其任故能王言彌徽德音四  
塞者也又後魏孝文時蠕蠕有國喪帝遣高閭為書與  
之不叙凶事時孝文謂曰卿有中書監職典文辭若情

思不至應謝所任又曰崔光為中書令勅光為  
詔逡巡不作蒼烏隊切廐余力切蠕如允切 以其地

在樞近多承寵任是以人固其位謂之鳳凰池焉

荀勗守中

書監侍中比贊朝政及遷尚書令勗久在中書專管機  
事失之甚愠人有賀者勗怒曰奪我鳳凰池諸公何賀

焉

晉制銅印墨綬進賢兩梁冠絳朝服佩水蒼玉乘輅

車

吳紀亮為尚書令其子騰為中書令每朝會吳主以  
屏風隔其坐晉書曰張華為監裴楷為令共掌機密

又王洽字敬弘為中書令時年二十九後  
洽子珉又為中書令時謂為奕世令德

東晉常併其

職入散騎省尋復置之宋冠佩印綬與晉同梁中書監

令清貴華重大臣多領之其令舊遷吏部尚書才地俱

美者為之陳因梁制後魏亦有監令

高允字伯恭為中書令文帝東之不

名呼為令公

北齊因魏制後周置內史中大夫二人掌王言

亦其任也隋初改中書為內史置監令各一人尋廢監

置令二人煬帝大業十二年又改內史為內書後復為

內史令大唐武德初為內史令

常有勅而中書門下不時宣行高祖責其遲晚

內史令蕭瑀曰臣大業之日見內史宣勅或前後相乖者百司行之不知何所承用所謂易雖在前難必在後臣在中書日久備見其事今黃閣初構事涉安危若遠方有疑恐失機會比每受一勅臣必審勘使與前勅不相乖背者始敢宣行遲晚之愆實由於此上善之三年改為中書令亦置二人

龍朔二年改為右相咸亨元年復舊光宅二年又為內史神龍元年復為中書令開元元年改為紫微令五年

復為中書令天寶元年改為右相

至德初復為中書令自隋至今皆為宰相

舊班正三品大歷三年陞為從二品

按令文掌侍從獻替制勅冊命敷奏

文表授冊監起居注總判省事○中書侍郎漢置中書

領尚書事有丞郎魏黃初初中書既置監令又置通事

郎

魏置曰掌詔草即漢尚書郎之位

次黃門郎黃門郎已署事過通事

乃署名已署奏以入為帝省讀書可後改通事郎為中

書侍郎

明帝詔舉中書郎謂盧毓曰得人與否在盧生耳又魏末張華遷長兼中書郎朝議表奏多見

施用

晉置四員及江左初又改為通事郎尋復為中書侍

郎其職副掌王言更入直省五日從駕則正直從次直

守

張華兼中書郎從駕征鍾會掌書疏表檄又荀勗奏始中中書郎張華王濟猶尚自起草及後遂失舊體

又嵇含字君道為中書郎書檄雲集含初不立草又華虞為人弘雅加以名家子孫以婦父盧毓典選至三十

五為中書通事郎又王濛為中書郎四年無人對以濛難比肩故也

宋中書侍郎進賢一

梁冠介幘絳朝服用散騎常侍為之齊梁皆四人梁以功高者一人主省内事陳因之後魏北齊置四員隋初

為內史侍郎亦四員煬帝減二員改為內書侍郎大唐

初為內史侍郎武德三年改為中書侍郎龍朔以後隨

省改號而侍郎之名不易

舊制正四品上大  
歷二年陞從三品

員二人掌

侍從獻替制勅冊命敷奏文表通判省事○中書舍人

魏置中書通事舍人或曰舍人通事各為一職

魏明帝  
時有通

事劉  
泰

晉江左乃合之謂之通事舍人武冠絳朝服掌呈

奏案章後省之而以中書侍郎一人直西省即侍郎兼

其職而掌其詔命宋初又置中書通事舍人四員入直



閣內出宣詔命凡有陳奏皆舍人持入參決於中自是

則中書侍郎之任輕矣齊永平初中書通事舍人四員

各住一省時謂之四戶權傾天下

茹法亮久為中書通事舍人後出為大司

農中書勢利之職法亮戀之垂涕而去又熒惑入太微太尉王儉謂武帝曰天文乖誤此由四戶帝納之而不

改

與給事中為一流梁用人殊重簡以才能不限資地

多以他官兼領後除通事字直曰中書舍人專掌詔誥

兼呈奏之事

裴子野以中書侍郎鴻臚卿掌兼中書通事舍人別勅知詔誥

自是詔誥

之任舍人專之

魏晉已來詔誥並由中書舍人掌之說在中書令篇

陳置五人

後魏有舍人省而不言其員北齊舍人省掌署勅行下  
宣旨勞問領舍人十人後周有小史上士二人此其任  
也屬春官隋內史舍人八員專掌詔誥煬帝減四人後  
改為內書舍人大唐初為內史舍人至武德三年改為

中書舍人置六員

貞觀元年中書舍人高季輔上封事曰時已平矣功已成矣然而刑典未

措者何哉良由謀猷之臣不弘簡易之政臺閣之吏昧於經遠之道執憲者以深刻為奉公當官者以侵下為益國未有坦平恕之懷副聖上之旨伏願隨方訓誘使各揚其職敦朴素華澆浮使家識孝慈人知廉恥杜其利欲之心載以清潔之化自然家肥國富禍亂何由而作太宗善之特賜鍾乳一劑曰卿進藥石之言故以藥

石相報

龍朔以後隨省改號而舍人之名不易專掌詔誥

侍從署勅宣旨勞問授納訴訟敷奏文表分判省事自

永淳已來天下文章道盛臺閣髦彥無不以文章達故

中書舍人為文士之極任朝廷之盛選諸官莫比焉

後按

漢章和以後尚書為機衡之任尚書郎含香握蘭直宿於建禮門太官供膳奏事明光殿下筆為詔誥出語為誥令曹公為魏王置祕書令典尚書奏事則祕書之職近家尚書之職疎遠魏文帝初改祕書為中書自後歷代相沿並管樞密而後漢尚書郎非今之尚書郎乃中書舍人也武太后臨朝天授元年壽春郡王成器兄弟五人初出閣同日受冊有司撰儀注忘載冊文及百寮在列方知闕禮宰相顧失色中書舍人王勵立召小

吏五人各令執筆口授分寫同時須史俱畢詞理典贍  
時人歎服景龍四年六月二日初定內難唯中書舍人  
蘇頲在太極殿後文詔填委動以萬計手操口對無毫  
釐差誤主書韓禮談子陽轉書詔草屢謂頲曰乞公稍  
遲禮等書不及忍手腕將廢故事舍人六員各押尚書  
省一行天下衆務無不關決開元二年十一月紫微令  
姚崇奏紫微舍人六員無一頭商量事諸舍人同押連  
署狀進說凡事有是非理均與奪人心既異所見不同  
者望請別作商量連狀同進若狀語交互恐煩聖思臣  
既是官長望於兩狀復畧言二理優劣奏聽進止則人  
各盡能官無留事勅曰可因是舍人唯知撰制不復分  
知機務既文書填委遂令書錄委之堂後人其權勢傾  
動天下姚竟因主書趙誨賊犯所累罷相  
姚誨多才而隳政擅權以成斯弊可哀哉

○通事舍人

昔堯試舜賓於四門蓋今任也秦置謁者漢因之掌儉

贊受事員七十人選孝廉年未五十威容嚴恪能備贊

者為之

燕太子使荆軻劫始皇變起兩楹之間其後謁者持匕首刺腋漢高帝偃武修文故易之以版

有僕射冠高山冠

言其矜莊宿遠故以高山為號終軍為謁者使行郡國建節出東闕闕吏

識之曰此  
衆儒生

後漢謁者僕射為謁者臺士主銅印青綬天

子出掌奉引

謁者僕射見尚書今對揖無敬謁者見執板拜

謁者三十人

漢官儀又

曰三十  
五人

謁者初上官稱曰灌謁者滿歲稱給事

胡廣云灌者明

章二帝服勤園陵謁者灌栢後遂假茲名焉馬融曰灌者習所職也應奉曰高帝承秦禮儀多闕灌嬰服事七年號大謁者後人掌之以姓灌章列於漢書也雷義為灌謁者使持節督郡國行風俗太守令長留者凡七十

人  
和帝代陳郡何熙為謁者僕射贊拜殿中音動左右

然則又掌唱贊

漢舊儀曰謁者缺選郎中黃鬚者大音者以補之功次當遷欲留增秩者許之

二漢隸光祿勳

後漢又有黎陽謁者光武以幽并兵騎定天下故於黎陽立營以謁者監之兵

騎千人復除甚重謁者任輕多放情態順帝改用府掾有清名威重者遷超牧守焉魏置僕射掌

大拜授及百官班次統謁者十人及晉武省僕射以謁

者并蘭臺江左復置僕射後又省宋武帝大明中復置

僕射一人職與魏同亦領謁者十人掌小拜授及百官

報章齊因之梁謁者臺僕射掌朝覲賓饗之事屬官謁

者十人掌奉詔出使拜假朝會賓贊功高者一人為假  
史掌差次謁者陳亦有之後魏北齊謁者臺掌凡諸吉  
凶公事導相禮儀僕射二人謁者三十人隋煬帝增置  
謁者司隸二臺并御史為三臺謁者臺有大夫一人掌  
受詔勞問出使慰撫持節策授及受冤枉而申奏之駕  
出對御史引駕領議郎以下官  
屬官有丞主簿錄事等尋詔門下  
內史御史司隸謁者五司監受表以為恒式不復專謁  
者矣初魏置中書通事舍人官其後歷代皆有然非今

任隋初罷謁者官置通事舍人十六員承旨宣傳開皇三年又增為二十四員及煬帝置謁者臺乃改通事舍人為謁者臺職謂之通事謁者置二十人又於建國門外置四方館以待四方使者隸鴻臚寺

煬帝置四方館東曰東夷使者

南曰南蠻使者西曰西戎使者北曰北狄使者各一人掌其方國及互市事

大唐廢謁者臺

復以其地為四方館改通事謁者為通事舍人掌通奏引納辭見承旨宣勞皆以善辭令者為之隸四方館而文屬中書省○集賢殿書院大唐開元中置漢魏以來



祕書省有其職梁武帝於文德殿內列藏衆書北齊有  
文林館學士後周有麟趾殿學士皆掌著述隋平陳之  
後寫書正副二本藏於宮中煬帝於東都觀文殿東西  
廂貯書自漢延熹至隋唐皆祕書掌圖籍而禁中之書  
時或有焉初開元五年十一月於乾元殿東廊下寫四  
部書仍令祕書監馬懷素右散騎常侍褚无量總其事  
於麗正殿安置為修書使至十二年學士張說等宴於  
集仙殿於是改殿名集賢改修書使為集賢殿書院學

士五品已上為學士每以宰相為學士者知院事初燕國公張說為中書令知院制以右常侍徐堅副之自爾常以近密官為副兼判院直學士六品以下為之侍講學士開元初褚无量馬懷素侍講禁中為侍讀其後康子元等為侍講學士修撰官校理官司直學士○史官肇自黃帝有之自後顯著夏太史終古商太史高勢周則曰太史小史內史外史而諸侯之國亦置其官又春秋國語引周志及鄭書似當時記事各有其職秦有太

史令胡毋敬至漢武始置太史公以司馬談為之卒其

子遷嗣卒後宣帝以其官為令行太史公文書其修撰

之職以他官領之於是太史之官唯知占候而已自漢

以前職在太史

具太史局

當王莽時改置柱下五史記疏言

行蓋效古動則左史書之言則右史書之自後漢以後

至於有隋中間唯魏明太和中史職隸中書其餘悉多

隸祕書大唐武德初因隋舊制史官屬祕書省著作局

至貞觀三年閏十二月移史館於門下省北宰相監修

自是著作局始罷史職及大明宮初成置史館於門下  
省之南其修撰史事以他官兼領或卑品而有才者亦  
直焉開元二十五年宰臣李林甫監史以中書地切樞  
密記事者宜其附近史館諫議大夫尹愔遂奏移於中  
書省北其地本尚藥局內藥院○主書晉中書有主書  
之員本用武官宋改用文史齊於中書置主書令史陳  
置主書而去令史之名後魏又為主書令史置八人北  
齊置主書十八人

北齊初曰主書令史文宣帝嘗立遣  
主書令史題署嫌其遲語曰但著主

書何煩著令史字  
自此除令史字  
隋復加令史大唐又除之

通典卷二十一

欽定四庫全書

通典卷二十二

唐 京 兆 杜 佑 君 卿 纂

職官四

尚書上

尚書省 并總論尚書

昔堯試舜於大麓領錄天下事似其任也周之司會又

其職焉

鄭注周禮司會若今尚書

秦少府遣吏四人在殿中主發書

謂之尚書尚主也漢承秦置武帝遊宴後庭始用宦者主中書以司馬遷為之中間罷其官以為中書之職成帝建始四年罷中書宦者置尚書五人一人為僕射四人分為四曹通掌圖書祕記章奏及封奏宣示內外而已其任猶輕後漢則為優重出納王命敷奏萬機蓋政令之所由宣選舉之所由定罪賞之所由正斯文昌天府衆務淵藪內外所折衷遠近所稟仰李固云陛下下有尚書猶天之有北斗斗為天喉舌尚書為陛下喉舌



斗斟酌元氣運平四時尚書出納王命賦政四海

賦令布

及左丞總領綱紀無所不統僕射及右丞分掌廩假錢

穀

隋志令總統之僕射副令又與尚書分領諸曹

漢初尚書雖有曹名不以為

號靈帝以侍中梁鵠為選部尚書於是始見曹名總謂

尚書臺亦謂中臺

諸葛恪定山越孫權使尚書僕射薛綜勞軍曰故造中臺近官迎致犒賜

大事八座連名而有不合得建異議

自順帝永建元年初令三公尚書入

奏事其八座具

二漢皆屬少府

蔡質漢儀曰凡三公列卿將大夫五營校尉行

歷代尚書中

複道中遇尚書令僕射左右丞郎御史中丞侍御史皆引車先相迴避衛士侍不得近臺官臺官過乃得去至

晉宋以來尚書官上朝及下禁斷行人猶其制也

魏置中書省有監令遂掌機

衡之任而尚書之權漸減矣晉以後所掌略同八座丞

郎初拜並集都省交禮遷職又解交本漢制也至於晉

宋唯八座解交丞郎不復解交也

梁陸果遷尚書殿中曹郎拜日八座丞郎

並到上省交禮而果至晚不及時刻坐免官

宋曰尚書寺居建禮門內亦曰

尚書省

令若闕則左僕射為主

亦謂之內臺每八座以下入寺門

生隨入者各有差不得雜以人士凡尚書官大罪則免

小罪遣出遣出者百日無代人聽還本職

宋顧琛為庫部郎以顧頌

寄尚書張茂度聞名而碩與同席坐琛坐此遣出人宋志曰今朝士詣三公尚書丞郎詣令僕射尚書丞郎並門外下車履度其令及二僕射出行分道之制與中丞門閤乃納履也

同令僕各給威儀十八人

說在御史大夫篇

自晉以後八座及

郎中多不奏事梁天監元年詔曰自禮闈陵替歷茲永久郎署備員無取職事糠粃文案貴尚虛閑空有趨墀之名了無握蘭之實曹郎可依昔奏事自是始奏事矣又詔尚書中有疑事先於朝堂參議然後啟聞舊尚書官不以為贈唯朱异卒特贈右僕射武帝寵之故也

周故

捨問劉杳尚書官著紫荷相傳云攄囊竟何所出答曰  
張安世傳云囊簪筆事武帝數十年注云囊索也近臣  
簪筆以待顧問自魏晉重中書之官居喉舌之任則尚書之職

稍以疎遠至梁陳舉國機要悉在中書獻納之任又歸  
門下而尚書但聽命受事而已後魏天興元年置八部  
大人於皇城四方四維面置一人以擬八座謂之八國

各有屬官分尚書三十六曹及諸外置令大夫主之

崔玄

伯通署三十六曹如令僕統事

四年又復尚書三十六曹天賜元年復

罷尚書三十六曹別置武歸脩勤二職分主省務

武歸郎

中脩勤  
比今史

至神麤元年始置僕射左右丞及諸曹尚書十

餘人各居別寺

舊例尚書簿諸曹須即出借任城王澄為尚書時公車署以理冤事奏請宜案

澄執奏以為尚書政本特宜遠慎故凡奏所事問道通之蓋以祕要之切防其宣露寧有古制所重今反輕之宜盡寫其事意以付公車詔從之北齊尚書省亦有錄令僕射總理六

尚書事謂之都省亦謂之北省後濟北王以太子監國

立大都督府與尚書省分理衆事仍開府置佐

顯祖特崇此官

以隨王守侍中攝大都督府長史

後周無尚書隋及大唐皆有其制略

同凡尚書省事無不總龍朔二年改尚書省為中臺咸

亨初復舊光宅元年改為文昌臺垂拱元年又改為都臺通天初復舊長安三年又改為中臺神龍初復為尚

書省

亦謂之南省

都堂居中左右分司

舊尚書令有大廳當省之中今謂之都堂

都堂之東有吏部戶部禮部三行每行四司左司統之都堂之西有兵部刑部工部三行每行四司右司統之

凡二十四司分曹共理而天下之事盡矣

故事叔父兄弟不許同省

為郎官格令不載亦無正勅貞觀二年十一月韋叔謹除刑部員外三年四月韋季武除主爵郎中其年七月韋叔諧除庫部郎中太宗謂曰知卿兄弟並在尚書省故授卿此官欲成一家之美無辭稍屈階資其後同省

者甚多近日非恩除拜即須相迴避當以准今同司曹判及公檢之官不得用大功以上親若制勅授者即申所司從早改擬遂左右僕射各一人總統省事左丞一人掌轄

吏部戶部禮部右丞一人掌轄兵部刑部左右司郎中各

一人各掌付左右丞尚書六人吏戶禮

六部各侍郎九人吏部戶部兵部各郎中二十八人吏

戶部兵部刑部各二人餘各員外郎二十九人吏戶兵

及司勳各二人餘司各一都事六人以下各有差

## 錄尚書

漢武帝時左右曹諸吏分平尚書奏事知樞要者始領尚書事張安世以車騎將軍霍光以大將軍王鳳以大

司馬師丹以左將軍並領尚書事

張安世領尚書事職與樞機以謹慎周密

自著每言大政已決輒移病出聞有詔令乃驚使吏之丞相府問焉自朝廷大臣莫知與議也人孔光字子夏領尚書事凡典樞機十餘年守法度修政事不希苟合問溫室省中樹皆何木也光答以他語其謹密如此

後漢章帝以太傅趙熹太尉牟融並錄尚書事尚書有錄名蓋自熹融始亦西京領尚書之任猶唐虞大麓之職也和帝時太尉鄧彪為太傅錄尚書事位在三公上



漢制遂以為常每少帝立則置太傅錄尚書事猶古冢

宰總已之義薨輒罷之

鄧彪錄尚書事後以老病上還樞機職又李固張禹張防並錄

尚書

自魏晉以後亦公卿權重者為之職無不總

蜀蔣琬字

公琰為錄尚書事時新喪諸葛亮遠近懷懼琬出類拔

萃處羣寮之右既無戚容又無喜色神守舉止有如平

日由是衆情漸服晉宗室會稽王道子及世子元顯並

錄尚書事時道子為東錄元顯為西錄晉康帝時何充

讓錄表曰咸康中分置三錄王導錄其一荀崧陸晞各

錄二條事晉江右有四錄則四人參錄也江右張華江

左庾亮並經

闕上書七條

凡重號將軍刺史皆得命曹授用唯不得

施陳及加節宋孝武孝建中不欲威權外假省錄大明

末復置此後或置或省齊世錄尚書及尚書令並總領

尚書臺二十曹為內臺主行遇諸王以下皆禁駐號為

錄公

齊明帝為宣成王錄尚書廢帝昭業思蒸魚太官以無錄公命不與

高帝崩遺詔以

褚彥回錄尚書事江左以來無單為錄者有司擬立優

策王儉議宜有策書乃從之

王儉議以為見居本官別拜錄推理應有策書而舊

事不載中朝以來三公王侯則優策並設官品第二策而不優優者褒美策者兼明委寄尚書職居天官政化之本故尚書令品雖第三拜必有策錄尚書品秩不見而總任彌重前代多與本官同拜故不別有策即事緣情不容均之凡僚宜有策書用申重寄既異王侯不假優文從之

北齊錄尚書一人位

在令上掌與令同俱不糾察自隋而無

### 尚書令

殷湯制官有冢宰

伊尹制官以三公攝冢宰

君薨則百官總己以聽

於冢宰周之冢宰為天官掌邦之理六卿之職總屬焉

於百官無所不主至秦置尚書令尚主也漢因之銅印

青綬武帝用宦者更為中書謁者令成帝去中書謁者

令官更以士人為尚書令

時弘恭石顯相繼為中書令專權邪僻前將軍蕭望之領

尚書事建言以為尚書百官之本國家樞機宜以通明公正處之武帝遊宴後庭故用宦者非古制也宜罷中

書宦官 後漢衆務悉歸尚書三公但受成事而已尚書令

主贊奏事總領紀綱無所不統與司隸校尉御史中丞

朝會皆專席而坐京師號曰三獨坐故公為令僕射者

朝會不陞奏事天子封禪則尚書令奉玉牒檢兼藏封

之禮

後漢光武以侯霸為尚書令每春常下寬大之詔奉四時之命皆霸所建也郭伋遷尚書令處職機

密數納忠諫陳忠為尚書令前後所奏悉條於南宮閣

上以為故事鄭弘為尚書令亦著於南宮以為故事郭

賀字喬卿為尚書令百姓歌之曰厥德仁明郭喬卿忠

政朝廷上下平又左雄字伯豪為尚書令自雄在尚書

天下不敢謬選十餘年間稱為得人自雄掌納言多所

正肅沈默字異徵詣南宮賜酒拜尚書令持節臨辟雍

名冠百僚苟或字文若為尚書令居中持重焚毀故案  
奇策密謀不得盡聞又舉荀攸可以代已後攸為尚書  
令亦推賢進士魏武帝曰二荀魏晉印綬與漢同冠進  
今之論人久而益信沒世不亡

賢兩梁納言幘五時朝服佩水蒼玉受拜則策命之以

在端右故也薨於朝堂發哀

陳矯字季弼為尚書令魏明帝卒至尚書門矯跪問

曰陛下欲何之帝曰欲案行文書耳矯曰此臣職分非  
陛下所宜臨也若臣不稱職則請就黜帝慙迴車晉樂  
廣為尚書令無當時稱為後人所思又太熙元年詔曰  
夫總百揆之得失管王政之開塞者端右之職也是以  
自漢以來慎選其人議郎王戎可為尚書令又衛瓘字  
伯玉拜尚書令性嚴憚以法御下視尚書若參佐尚書  
郎若掾屬又熊遠啟曰伏見吏部以太尉荀組為尚書  
令復領荊州牧自三代以來未聞以納言之官而出領

牧伯者王彪之字叔虎為尚書令與謝安共掌朝政安每稱曰朝之大事衆不能決者諮之王公無不立判

魏晉以下任總機衡事無大小咸歸令僕

宋孝建元年詔曰尚書百

官之元本庶績之樞機丞郎列曹局司有任自頃事無巨細悉歸令僕非所以詔能濟業也更可明體制責厥

成也齊梁舊用左僕射美遷司空

謝朓字敬仲徵為司徒尚書令朓辭脚疾不堪

朝謁仍角巾自輿詣雲龍門謝既見乘小車就席

梁陳並有之後魏北齊掌彈

糾見事與御史中丞更相廉察隋亦總領衆務大唐尚

書令朝服驚冕八旒七章三梁冠武德初太宗為秦王

時嘗居之其後人臣莫敢當故自龍朔三年制廢尚書

令

至廣德中郭子儀勲業既盛乃特拜焉子儀以文皇帝故讓不敢受

僕射

左右丞

左右司郎中

員外郎附

僕射秦官漢因之自侍中尚書博士郎皆有之古者重

武官有主射以督課

古者重武官以善射者掌事故曰僕射僕射者僕役於射也一云僕

主也軍屯吏騶宰永巷宮人皆有取其領事之號

凡此諸官皆有

僕射隨所領之事以為號也若軍屯吏則曰軍屯僕射永巷則曰永巷僕射

成帝建始元年

初置尚書五人以一人為僕射主封門掌授廩假錢穀

鄭崇字子游為尚書僕射數直諫諍每見曳革履上笑曰我識鄭尚書履聲後為人所譖上責崇曰君門如市

何欲禁切主上崇曰臣門如市後漢尚書僕射一人署  
臣心如水上怒下獄治死獄中

尚書事令不在則奏下衆事印綬與令同  
自漢以下章服並與令同

獻帝建安四年以執金吾榮邵為左僕射衛臻為右僕

射侍者分置左右蓋自此始  
鍾離意字子游拜尚書僕射嘗賜胡侍子當五十尺

尚書郎受詔誤以三十尺上怒召郎欲鞭之意入曰臣  
位大罪重郎位小罪輕臣當先坐然後及郎遂解衣當

鞭上曰釋之非鍾離尚書幾降威於此郎又明帝作北  
宮意諫止之出為魯相及德陽殿成百官大會上笑曰

鍾離尚書在朕不得成此殿鮑永字君長拜僕射將兵  
案河東永好文德雖行大將軍事常白轡路稱白衣尚

書  
經魏至晉於江左省置無恒  
魏徐宣字寶堅為左僕射加侍中車駕幸許昌



宣統留事帝還主者奏呈文書詔曰吾與僕射何異竟不視又時欲以賈誦為僕射誦辭曰尚書僕射官之師長天下所屬其置二則為左右僕射或不兩置但曰尚奈於國朝何

書僕射

荀顗字景倩其外甥陳泰啟顗代已泰薨代泰為僕射領吏部四辭而受顗承泰後加之淑慎

綜覈名實風俗澄一又武帝詔曰中軍將軍羊祜秉德清劬經緯文武雖處腹心之任不處樞機之重非垂拱無為之意也其以祜為尚書僕射又司馬珪為尚書右僕射時年四十九衆以為美人周顗為左僕射風德雖重過江積年恒飲酒三日醒時人謂為三日僕射謝安亦為僕射令闕則左為省主若

左右竝闕則置尚書僕射以主左事置祠部尚書以掌

右事則尚書僕射祠部尚書不恒置矣

若無令則左僕射為省主與令

同若左右並闕則直置僕射在其中間總左右事

宋尚書僕射勝右減左右居

二者之間僕射職為執法置二則為左右執

王敬弘為僕射闕置

文案初不省讀嘗陪聽訟文帝問以疑獄敬弘不對帝變色問左右何故不以訊牒副僕射敬弘曰臣乃得訊牒正自不解帝不悅後遷尚書令

又與尚書分領諸曹兼掌彈舉

王弘為僕

射奏彈康樂縣侯謝靈運淫其孽女殺興胡江漢請免官削爵付大理內臺舊體不得用風聲舉彈此事彰赫暴之朝野不敢拱默

齊左右僕射行則分道左僕射領

武帝令免官而已

殿中主客二曹

諸曹郊廟園陵車駕行幸朝儀臺內非違文官舉補滿敘疾假事其諸吉慶瑞

應眾賀災異賊發眾變臨軒策命改號格制莅官銓選凡諸除署功論封爵貶黜八議疑獄通闕案則左僕射

主右僕射

右僕射領祠部儀曹

掌諸曹庫藏穀帛文武廩給諸軍資差量人役

次經之

百工死病亡叛討捕考別非違租布稅調理船車兵器其祠部郊廟喪贈儀曹儀典儀學武官除署移并城邑人戶復除家宅田地興工創架運寫拘慮刑獄聽訟百工免遣通關及案奏事則右僕射主左僕射次經之

黃案左僕射上署右僕射次署凡僕射掌朝軌尚書掌

獻奏都丞任在彈違

諸詳獄事應須命議相值者皆郎

官為議主凡辭訴有慢命者曹掾咨如舊若或命有咨則以主意者為議主

齊梁舊制右僕

射遷左僕射左僕射美遷令其僕射處於中陳亦然後

魏二僕射左居上右居下

令僕中丞駱唱而入宮門至於馬道及郭祚為僕射以為

非盡敬之宜乃奏請御在太極駒唱至止車門御在朝堂止司馬門駒唱不入宮自此始也又朱仲遠為行臺僕射請准朝式在軍鳴駒廢帝笑而許之其肆情若此北齊僕射職為執法置二

則為左右僕射皆與令同左糾彈而右不糾彈隋文帝

開皇三年詔左右僕射從二品左掌判吏部禮部兵部

三尚書御史糾不當者兼糾彈之右掌判都官度支工

部三尚書又知用度餘竝依舊

楊素為右僕射與高穎專掌朝政後文帝漸疎

忌素詔曰僕射國之宰輔不可躬親細務但三五日一度向省評論大事示崇重實奪其權也終仁壽之末不復通大唐左右二僕射因前代本副尚書令自尚書令省事

廢闕二僕射則為宰相故太宗謂房玄齡杜如晦曰公  
為僕射當洞開耳目訪求才賢是為宰相弘益之道今  
以決辭聽訟不暇豈助朕求賢之意乃令尚書細務悉  
委於兩丞其寬濫大故當奏聞者則闕於僕射及貞觀  
末除拜僕射必加同中書門下平章事及參知機務等  
名方為宰相不然則否然為僕射者亦無不加焉至開  
元以來則罕有加者

自開元以來始有單  
為僕射不兼宰相者

初龍朔二年

改左右僕射為左右匡政咸亨元年復舊官品第四

上元

三年閏三月制尚書省頒下諸州府並宜用黃紙

武太后改二僕射為文昌左

右相進階為從三品尋復本階神龍初復為左右僕射

二年九月勅門下及都省宜日別錄制勅每三月一進

開元元年改為左右丞相

從二品統理衆務舉持綱目總判省事

二年四月勅在京有訴寃者並

於尚書省陳牒所司為理若稽延致有屈滯者委左右丞相御史臺訪察聞奏如未經尚書省不得輒於三司

越訴御史糾不當者兼得彈之至天寶元年復舊議曰按

僕射秦官其名則微其職甚細東漢以後雖委任漸重

職司會府而非百寮師長之職也又按丞相亦秦官秦

氏每羣臣上表皆云丞相臣某為首漢之宗臣蕭何為丞相漢儀丞相進天子御座為起在輿為下有疾灋駕至第問得戮二千石申屠嘉欲斬內史晁錯是也霍光受顧託之重當伊周之地廢昌邑王上表太后丞相臣敞為首大司馬大將軍臣光次之其尊崇如此中間嘗置左右丞相亦嘗改為相國亦為大司徒大抵漢之丞相是為三公於天下無所不統後漢亦以三公為宰相則司徒本西漢丞相也後或為丞相或為相國或為大

丞相雖互為之名其實一也曹公司馬師昭趙王倫王敦王導劉義宣齊高帝梁武帝爾朱榮侯景陳武帝齊獻武隋文帝皆為之歷代多非尋常人臣之職亦多為贈官然自秦以降實居百寮之長今尚書令總領衆務舉持綱目僕射貳之誠為崇重且非統國政宰天下之任宜侍中中書令如直以尊崇則太師不然上公太尉始可師長命百寮也龍朔中天寶初嘗改侍中中書令為左右相遠協伊尹仲虺為左右相周公召公相成王



為左右之義斯誠允當或為尚書令僕射錄尚書之職是官之師長按前代錄尚書霍光張安世王鳳趙燾牟融鄧彪張禹李固王導褚彥回齊明帝之徒或是丞相或是三公或是大將軍大司馬兼之皆秉朝政猶古冢宰百官總已實宰輔也其時別自有令僕今僕射雖嘗改為丞相名同而職異品秩又未崇極上有三師三公尚書令七人豈得比前代丞相受任也其襲舊名無實者若今刺史皆云使持節按前代使持節得戮二千石

其王公以下封國皆南面臣人分茅建社其開府儀同  
三司則禮數班秩皆如三公置府辟吏今並豈有其實  
乎此例甚衆不能徧舉安有僕射因改丞相之名都無  
丞相之實而為百寮師長也又與丞郎絕禮若不隔品  
致敬則諸司長官與隔品寮屬其可絕禮乎斯不然矣  
○左右丞秦置尚書丞一人屬少府漢因之至成帝建  
始四年置丞四人及後漢光武始減其二唯置左右丞  
佐令僕之事臺中紀綱無所不總左丞主吏民章服及

駟伯史

黃香字文疆部左丞功滿當遷和帝留增秩後部尚書選僕射

右丞與僕射皆

掌授廩假錢穀又假署印綬及紙筆墨諸財用庫藏

楊喬

為右丞行值太常卒柔柔不避車喬奏柔不敬下廷尉

左右丞闕以次夕郎補之

三歲為刺史漢御史中丞侍御史行複道中遇尚書及

丞郎避車執版揖丞郎坐車舉手禮之車過遠乃去尚

書言左丞敢告知如詔書律令郎見左右丞對揖無敬

稱曰左右君丞郎見尚書執版揖稱曰明時郎見令僕

執版拜朝賀對揖魏晉左右丞銅印青黑綬進賢一梁

冠介幘絳朝服左丞主臺內禁令寢廟祠祀朝儀禮制

選用置吏急假兼糾彈之事

傳咸答辛曠詩序曰尚書左丞彈八座以下居萬機

之會乃皇朝之司直天臺之管轄又却說為左丞奏推吏部尚書崔洪洪曰我舉却丞而還奏我此挽弓自射之謂也右丞掌臺內庫藏廬舍凡諸器用之物及刑獄兵

器督錄遠道文書章表奏事宋因之而右丞亦主錢穀

虞玩之字茂瑤宋元徽中為右丞齊高帝參政與玩之書曰今潛藏有闕吾賢居右丞已覺金粟可積矣皆

銅印黃綬齊左右丞寢廟郊祠吉慶瑞應災異立作格

制諸案彈用除置吏補滿除遣

任遐為右丞奏御史中丞陸澄不糾事請免澄

官又建康令與秣陵令同乘行車前導四卒右丞沈  
昭略奏凡有鹵簿官共乘不得兼列騶道請免其官視

中書郎遷黃門郎左丞掌兵士百工補役死叛考代年  
老疾病解遣其內外諸庫藏穀帛刑刻創架爭訟田地  
船乘兵工死叛考別討捕差分百役兵器諸營署又領  
州郡租布民戶移徙州郡縣併帖城邑人戶割屬刺史  
二千石令長丞尉被收及免贈文武諸犯削官事白案  
則右丞上署左丞次署黃案則左丞上署右丞次署諸  
立格制及詳讞大事郊廟朝廷儀體亦左丞上署右丞

次署皆銅印黃綬一梁冠梁左丞掌臺內分職儀禁令  
報人章督錄近道文書章表奏事糾諸不灋凡諸尚書

文詣中書省者密事皆以契刀囊盛之封以丞相印

劉洽

字義壠為左丞準繩不避  
貴戚尚書省賄賂莫敢通

右丞掌臺內藏及廬舍凡諸

器用之物錄遠道文書章表之事陳因之後魏北齊左

丞為上階右丞為下階北齊左丞掌吏部等十七曹

吏部

考功主爵殿中儀曹三公祠部主客左右  
中兵左右外兵都官二千石度支左右戶

并糾彈見事

又主管輅臺中違失並糾駁之

崔昂除左丞兼度支尚  
書左丞兼尚書近代未

有唯昂為冠首朝野榮之又酷吏宋遊道為左丞始為  
故事於尚書省門立石以記出入早晚令僕以下皆側

目右丞掌駕部等十一曹

駕部虞曹屯田起部兵部比部水部膳部倉部金部庫部

亦管轄臺中唯不彈糾餘悲與左同隋左右丞掌分尚

書諸司糾駁

元壽字長壽為尚書左丞蕭摩訶妻患將死奏令其子向江南收家產壽奏劾之曰

摩訶遠念資財近亡匹好令其子捨危懼之母為聚斂之行御史韓微之等見而不彈請付大理臣忝居左轄

無容

大唐因隋制龍朔二年改為左右肅機

其年有宇文化及子

孫論資廢所司理之至於勾留右肅機陽昉未詳案狀訴者自以道理已成無復疑滯勒而逼昉昉謂曰適退朝未食食畢詳之訴者曰公云未食亦知天下有累年羈旅者乎昉遽命案立判之曰父弑隋主子訴隋資生

者猶配遠方死  
者無宜更敘

咸亨元年復舊

儀鳳四年韋仁約除尚書左丞約奏曰陛下為

官擇人無其人則闕今不惜美錦令臣製之此陛下知之深矣微臣盡命之日矣振舉綱目略無留事羣曹肅

然

左丞掌管轄諸司糾正省內勾吏部戶部禮部等十

二司通判都省事右丞掌管兵部刑部工部等十二司

餘與左丞同○左右司郎中隋煬帝三年於尚書都省

初置左右司郎二人品同諸曹郎從五品掌都省之職

大唐貞觀二年改為郎中龍朔二年改為左丞務咸亨

元年復舊令掌副左右丞所管諸司事省署抄目勘稽



失知省內宿直判都省事若右司不在則左併行之左  
司不在右亦如之○員外郎武太后永昌元年置與郎  
中分掌曹務神龍元年省二年復置

歷代尚書 八座附

秦尚書四人

不分曹名

漢成帝初置尚書五人其一人為僕

射四人分為四曹

尚書曹名自此而有

常侍曹

主公卿

二千石曹

主郡

國二千石民曹

主凡吏民上書以人字改焉自後歷代曹部皆同

客曹

主外國夷狄

後又

置三公曹

主斷獄

是為五曹後漢尚書五曹六人其三公

曹尚書二人

掌天下歲盡集課州郡

吏曹

掌選舉齊祠後漢志謂之常侍曹亦謂之選部

二千石曹

掌中都官水火盜賊辭訟罪法亦謂之賊曹

民曹

掌繕理功作鹽池苑囿

客

曹

掌羌胡朝賀法駕出則護駕後漢光武分二千石曹及客曹為南主客北主客二曹

兩梁冠納

言憤或說有六曹

按後志云分客曹為二是六天曹也又晉志云以前漢五曹更加中都官

曹為六曹也

按應劭漢官儀云二千石曹主中都官事則

不應更有中都官曹也今依劭說為五曹六人魏朗字

仲英入為尚書再升紫微寮謂禁省為百僚所服又張

陵字處仲為尚書歲朝梁冀帶劍入省陵叱令奪劍劾

冀詔以歲俸贖罪又鄭均字仲虞為尚書滯泊

無為以病罷還第賜尚書祿號為白衣尚書

魏有吏

部左民客曹五兵度支凡五尚書晉初有吏部三公客

曹駕部屯田度支六曹

無五兵

太康有吏部殿中五兵田

曹度支左民為六曹尚書

無駕部三公客曹

及渡江有吏部祠

部五兵左民度支五尚書

皆銅印墨綬進賢兩梁冠納言幘絳朝服佩水蒼玉乘輅

車皂輪執笏負荷加侍官者武官左貂金蟬

宋有吏部祠部度支左民

左民尚書

統左民及駕部二曹

都官五兵六尚書

尚書納言幘進賢兩梁冠佩水蒼玉

齊梁與

宋同

侯景改梁五兵為七兵尚書又職官錄曰齊尚書品服悉與令同

亦別有起部而

不常置也

梁何胤字子季為左民尚書後辭官隱於若耶山雲門寺勅給白衣尚書祿胤固辭又到

洽為御史中丞凡溉為左民尚書舊中丞不得入尚書下舍洽引服親不應有碍刺史省詳決乃許入溉省亦

以其兄弟素  
篤不能相別

陳與梁同後魏初有殿中

掌殿內兵馬倉庫

樂部

掌伎樂及  
角使伍伯

駕部

掌牛馬驢騾

南部

掌南邊州郡

北部

掌北邊州郡

五尚

書其後亦有吏部

初曰選部

兵部都官度支七兵祠部民曹

等尚書又有金部庫部虞曹儀曹右民宰官

元禎為宰官尚書

都牧

元禎為都牧尚書

牧曹右曹太倉太官祈曹神都儀同曹

等尚書

自金部以下但有尚書之名而不詳職事

北齊有吏部殿中

殿中統殿中曹

主駕行百官留守名帳宮殿  
禁衛及儀曹三公駕部四曹

祠部五兵都官度支六尚

書後周無尚書隋有吏禮兵刑戶工六部尚書大唐尚

書與隋同

龍朔二年改尚書為太常伯咸亨初復舊

歷代吏部尚書及侍郎

品秩悉高於諸曹○八座後漢以六曹尚書并令僕二

人謂之八座魏以五曹尚書二僕射一令為八座宋齊

八座與魏同

晉梁陳不言八座之數

隋以六尚書左右僕射及令

為八座大唐與隋同

凡歷代尚書有五曹則兼以二僕射一令為八座若有六曹而左右僕射並

僕射為一座兼令共為八座若有六曹而左右僕射並闕則以尚書僕射及令為八座若尚書唯有五曹又無

左右僕射則不備

### 歷代郎官

郎官謂之尚書郎漢置四人分掌尚書事一人主匈奴

單于營部一人主羗夷一人主吏民戶口墾田一人主

財帛委輸後漢尚書侍郎三十六人

後漢志曰尚書六曹侍郎三十六人

一曹六人也又漢官儀尚書侍郎三十五人又晉志曰光武分尚書為六曹之後今置三十四人並未詳孰是

主作文書草取孝廉年未五十先試牋奏選有吏能者

為之更直五日於建禮門內尚書郎初從三署諸臺試

初上臺稱守尚書郎中滿歲稱尚書郎三歲稱侍郎五

歲遷大縣其遷為縣令縣令秩滿自占縣詔書賜錢三

萬與三臺租錢餘官則否吏部典劇多超遷者鄭弘為僕射奏以臺職任尊而賞薄人無樂者諸吏郎補二千石自此始也八座受成事決於郎下筆為詔策出言為

詔命

後漢尚書陳忠上疏曰尚書出納帝命為王喉舌之官臣等既愚闇諸郎多文俗史鮮有雅才每為

詔文宣示內外轉相求請

其入直官供青縑白綾被或以錦縹為之

縹私列反縹繫也

給帳帷茵褥通中枕太官供食物湯官供餅

餌及五熟果實之屬五日一美食下天子一等給尚書郎侍史一人女侍史二人皆選端正妖麗執香爐香囊

護衣服奏事明光殿省省中皆以胡粉塗壁畫古賢烈女以丹朱漆地故謂之丹墀尚書郎口含雞舌香以其奏事答對欲使氣息芬芳也奏事則與黃門侍郎對揖黃門侍郎稱已聞乃出丞郎月賜赤管大筆一雙

麋一丸

後漢王譚為尚書侍郎臺閣議奏常依義據法為三臺之表又馮豹字仲文為尚書郎每奏事

未報常俯伏省閣下或從昏至明天子默使持被覆之不驚也日暮諸郎下豹每獨在後帝嘉之又三輔決錄曰陳重與其友雷義俱拜尚書郎義以左黜重見義去官亦以病免又徐防為尚書郎職典樞機周密畏慎踰

麋今汧陽縣出墨

魏自黃初改祕書為中書置通事郎掌詔草



即今中書舍人之任

而尚書郎有二十三人

有殿中史部駕部金部虞曹比部南主客

祠部度支庫部農部水部儀曹三公倉部民曹二千石中兵外兵都兵別兵考功定課

非復漢時

職任青龍二年尚書令陳矯奏置都官騎兵合凡二十

五郎每一郎缺白試諸孝廉能結文案者五人謹封奏

其姓名以補之

魏韓宣為尚書郎常以職事當受罰已皆縛束杖未行文帝輦過聞而赦之

晉尚書郎選極清美號為大臣之副武帝時有三十四

曹

加魏直事屯田起部左士右士其民曹中兵外兵分為左右主客又分為左右南比無農部定課考功凡

三十後又置運曹為三十五曹置郎中二十三人更相

統攝

晉魏舒字元陽為尚書郎時欲沙汰郎官非其才者咸有媿色又解參兄弟少連叔連俱歷太子洗馬舍人尚書郎州里榮之又賈克改定律令以裴楷為定科

郎或為三十六曹晉裴秀以尚書三十六曹統事准例

當五王之難其都官中騎三曹郎書出督戰夜還理事

書令陳矯以有軍事亦奏增郎況今都官中騎三曹盡

出督戰夜還理事一人兩役內外廢乏舍謂各有主帥

委之大將軍不宜復令臺寮雜與其間又從之乃增郎

及令東晉有十五曹殿中祠部吏部儀曹三公比部金

史東晉有十五曹部度支都官左民騎部倉部庫部

中兵自過江之後官資小減王坦之字文度選曹將擬

外兵自過江之後官資小減為尚書郎坦之聞曰自過

江尚書郎正用第二人何得以此見擬其子國寶好傾側婦父謝安惡之除尚書郎國寶以為中興膏腴之族唯作吏部不作餘曹郎怨之辭不拜又宋江智淵改尚書庫部郎時高流官序不為臺郎智淵門孤援寡獨有此選意甚不悅固辭不拜梁王筠除尚書殿中郎王氏過江以來未有居郎署者或勸不就筠曰陸平原東南之秀王文度獨步江東吾得此職桓玄僭位改都官郎為

賊曹宋高祖時有十九曹元嘉以後有二十曹郎三公

比部主法制度主算都官主軍事刑獄其餘曹所掌

各如其名

宋武帝初加置騎兵主客起部水部四曹并東晉舊十五曹合為十九曹元嘉十八年增

刪定曹郎即魏世之定科郎也三十年齊依元嘉制又置功論郎後又省騎兵故為二十曹

其拜吏部郎亦有表讓之禮

齊謝朓遷尚書吏部郎上表三讓中書疑朓官未及

讓以問沈約約曰宋元嘉中范曄讓吏部朱循之讓黃門蔡興宗讓中書日並三表詔答其事宛然近代小官不讓遂成常俗恐此有乖讓意王藍田劉安西並貴重初自不讓今豈可慕此不讓耶孫興公孔顗並讓記室今豈可三署皆讓耶謝吏部今授梁加三曹為二十三

超階

讓別有意豈闕官之大小

梁加三曹為二十三

曹

加殿中虞曹屯田

其郎中舊用員外郎正主簿正佐有才地

者為之遷通直郎天監三年復置侍郎視通直郎郎中

遷為之

梁到洽為尚書殿中郎洽兄弟羣從遞居此職時人榮之又殿中郎闕武帝曰此曹舊用文學

且居鴈行之首宜詳擇其人乃以張緬為之

陳有二十一曹

省梁二曹不知何曹

後魏

三十六曹

史關其文

至西魏十二年改為十二部

後周既改其文為部遂以

柳慶為計部郎中又柳清為尚書度支郎遷正員郎今人或謂前代正員郎即今尚書郎中按歷代所稱正員郎者即散騎侍郎耳謂非員外適宜者故謂之正員郎則非尚書之職自魏晉以後尚書省自有郎中官不應

更置正

北齊有二十八曹

吏部考功主爵殿中儀曹三員郎公駕部祠部主客虞曹屯田

起部左中兵右中兵左外兵右外兵都兵都官二千石比部水部膳部度支倉部左民右民金部庫部其

吏部三公各二人餘並一人凡三十郎中

後魏北齊唯置郎中

隋

初尚書有六曹二十四司凡領三十六侍郎

吏部司勳主客膳部

兵部職方都官司門度支戶部比部刑部等侍郎各二人主爵考功禮部祠部駕部庫部金部倉部工部屯田

虞部水部侍郎各一人

分司官曹務直禁省如漢之制至開皇三

年二十四司又各置員外郎一人以司其曹之籍帳侍

郎闕則攝其曹事

今尚書員外郎其置自此始以前歷代皆謂之尚書郎各以曹名為稱首

或謂之侍郎皆無員外之號前代史傳及職官要錄或有言員外郎者蓋謂員外散騎侍郎耳非尚書之職說在散騎篇前代所言郎官上應列宿蓋謂三署郎非謂今尚書郎中也具三署郎敘篇中

煬帝即位

以尚書六曹各置侍郎一人以貳尚書之職

今之侍郎其置自此

始也或有曹加二人者夫侍郎之名舊矣漢凡諸郎皆掌更直執戟宿衛諸殿門以侍衛之故通謂之侍郎故武帝時拜東方朔為郎當時謂之官不過侍郎位不過執戟是也歷代尚書亦有侍郎隋初尚書諸曹二十四

司諸郎皆謂之侍郎通若今之郎官耳非今  
六部侍郎之任自漢以來尚書侍郎悉然

改諸司侍

郎但曰郎

則今郎中之職

又改吏部為選部郎禮部為儀曹郎

兵部為兵曹郎刑部為憲曹郎工部為起曹郎以異六

侍郎之名廢諸司員外郎而每司增置一曹郎各為二

員都司置左右司郎中各一人品同諸曹郎掌都省之

職尋又每減一郎置承務郎一人同開皇員外郎之職

大唐改隋諸司郎為郎中每曹又復置員外郎武德六

年廢六司侍郎貞觀二年復舊今尚書省有左右司郎

中各一人員外郎各一人分管尚書六曹事其諸曹諸

司郎中總三十人員外郎總三十一人通謂之郎官尤

重其選

凡郎中章服皆玄冕五旒衣無章裳刺黻一章兩梁冠凡員外郎章服並爵弁玄纓簪尊者衣

纁裳一梁冠

其職任名數各列在六曹之後

### 歷代都事主事令史

都事晉有尚書都令史八人秩二百石與左右丞總知

都臺事宋齊八人梁五人謂之五都令史職與晉同舊

用人常輕武帝詔曰尚書五都職參政要非但總領衆



局亦乃方軌二丞頃雖求才未臻妙簡可革用士流以

盡時彥乃以都令史視奉朝請

其時以太學博士劉訥兼殿中都司空法曹參

軍劉顯兼吏部都太學博士孔虔孫兼金部都司空法曹參軍蕭軌兼左民都宣毅墨曹參軍王顯兼中兵都

五人並以才地兼美歷茲選矣

隋開皇初改都令史為都事置八人煬

帝分隸六尚書置六人領六曹事大唐因之○主事二

漢有之

漢光祿勳有南北庭主事三署之事於諸郎之中察茂才高第者為之後漢范滂字孟博自光

祿四行遷光祿主事時陳蕃為光祿勳滂執公儀詣蕃蕃亦不止滂懷恨投板棄官而去郭泰聞之曰若范孟博者豈宜以公禮格之蕃乃謝又胡伯蕃公沙穆並為之後魏於尚書諸司置主事

令史隋於諸省又各置主事令史員煬帝三年並去令史之名但曰主事隨曹閑劇而每十令史置一主事不滿十者亦一人雜用士人

顏慤楚者文學名流為內史主事

大唐並用

流外○令史漢官也後漢尚書令史十八人曹有三人

主書後增劇曹三人合二十一人皆選於蘭臺符節簡

練有吏能者為之

漢官儀云能通蒼頡史籀篇補蘭臺令史滿歲補尚書令史滿歲為尚書

郎後漢韋彪字孟達上疏曰往時楚獄大起故署令史以助郎職而類多小人好名姦利今者務簡可皆停省

其尚書郎初與令史皆主文簿其職一也郎缺以令史

久次者補之光武始革用孝廉孝廉耻焉

時故事尚書郎缺以今史

各次補之光武始改用孝廉為郎而孝廉丁邳稱病不就詔問實病羞為郎乎對曰臣實不病耻以孝廉為令史職耳帝怒杖之數十詔問欲為郎否邳曰能殺臣者陛下不能為郎者臣也中詔遣出竟不能為郎又郎中裴著詣闕上書訟梁冀矯暴冀陰殺之學生劉常當代名儒素善於著冀召常補令史以此辱之也舊制

尚書郎限滿補縣長令史補丞尉尚書令鄭弘奏曰職

尊賞薄多無樂者請郎補千石令史為長帝從之

蜀志董厥

為府令史諸葛亮稱之曰董令史良士也後遷至尚書令史平臺事

西晉令史朝晡詣都

座朝江左唯早朝而已又賈充為尚書令以目疾表置

省事吏四人尚書置省事自此始也其品職與諸曹令

史同

姚萇園苻堅遣僕射尹緯詣堅問事堅見其瓌傑問曰卿於朕代為何官緯答曰尚書令史堅曰卿

宰相才王景略之儔也而朕失之今日之亡不亦宜乎

晉宋蘭臺寺正書令史雖

行文書皆有品秩朱衣執板給書僮孔顗為御史中丞

坐鞭令史為有司所糾

孔顗性素儉蘭臺令史者三吳富人輕顗故也

梁陳與

晉宋同後魏令史亦朱衣執笏然謂之流外勲品北齊

尚書郎判事正令史側坐書令史過事令史皆平揖郎

無拜自隋以來令史之任文案煩屑漸為卑冗不叅官

品

開皇十五年詔州縣佐史三年一代不得重任

煬帝以四省三臺皆曰令史

九寺五監諸衛府則皆曰府史於時令史得官者甚少

年限亦賒

隋牛弘常問於騎尉劉炫曰按周禮士多而庸史少今令史百倍於前制官減則不濟其

故何也炫曰古人委任責成歲終考其殿最案不重求吏不繁悉府史之任掌要目而已今之文簿恒慮覆理鍛鍊苦辛甚密萬里追證百年舊案故諺曰老吏抱案死今古不同若此之相懸也弘又曰後魏北齊之時令史從容而已今則不遑寧舍其事何也炫曰齊氏立州不過十三府行臺遞相統領文書行下不過十條今州二百其繁一也往者州唯置綱紀郡置守丞縣唯令而已其所具察則長官自辟受詔赴任每州不過數十今則不然大小之官悉由吏部纖介之迹皆屬考功其繁二也省官不如省事省事不如清心官不省而欲從容

其可得乎弘甚善其言而不能用

大唐武德中天下初定京師穀糴貴

遠人不相願仕流外始於諸州調佐史及朝集典充選不獲已而為之遂促年限優以叙次六七年有至本司主事及上縣尉者自此之後遂為官途總章中詔諸司

令史考滿合選者限試一經時人嗟異著於謠頌

時闕立本

為右相姜恪為左相立本無他才識時以善畫稱之恪嘗累為將軍立功塞外是歲京師饑旱弘文崇賢司成三館學生並放歸本貫當時為之語曰左相宣威沙漠右相馳譽丹青三館學生放散五臺令史明經

行臺省

行臺省魏晉有之昔魏末晉文帝討諸葛誕散騎常侍

裴秀尚書僕射陳泰黃門侍郎鍾會等以行臺從至晉

永嘉四年東海王越帥衆許昌以行臺自隨是也

越請討石

勒表以行臺隨軍

及後魏謂之尚書大行臺別置官屬

後魏道武帝置

中山行臺以秦王儀為尚書令以鎮之孝文永熙三年以宇文泰為大行臺以蘇綽為行臺度支尚書

北

齊行臺兼統民事自辛術始焉

武定八年辛術為東南道行臺東徐州刺史郭

志殺郡守文宣聞之勅術曰江淮初附百姓難向京師留卿為行臺亦欲理邊民冤枉監理牧守自今以後所

統十餘州地諸有犯法者刺史先啟聽報以下先理後表齊代行臺兼總民事自術始也其官置令

僕射其尚書丞郎皆隨時權制

江左無行臺唯梁宋以侯景為河南王大行臺

承制如鄧禹故事

隋謂之行臺省有尚書令僕射

左右各一人

任置

主事四人有考功

兼吏部主簿司勳

禮部

兼祠部主客

膳部兵部

兼職

方駕部庫部刑部

兼都官司門

度支

兼倉部

金部工部屯田

兼水

部虞部

侍郎各一人每行臺置食貨農圃武器百工監副

各置丞

食貨四人農圃一人武器二人百工四人

錄事等員

食貨農圃百工各二人武器一

人蓋隨其所管之道置於外州以行尚書事大唐初亦

置行臺貞觀以後廢其後諸道各置採訪等使每使有



判官二人兼判尚書六行事亦行臺之遺制



通典卷二十二

欽定四庫全書

史部

通典卷二十六  
三至六

詳校官侍郎臣李封

編修臣程嘉謨覆勘

覆校官助教臣吳省蘭

校對官中書臣田尹衡

校對官助教臣全學詩

謄錄舉人臣祝魯良

謄錄監生臣魏淳耀

欽定四庫全書

通典卷二十三

唐京兆杜佑君卿纂

職官五

尚書下

吏部尚書

侍郎 郎中 員外郎 司封 郎中 員外郎 司勳 郎中 員外郎 考功

郎中 員外郎

周禮天官太宰掌建邦之六典以佐王治邦國

變冢言 太者百

官總焉則謂之冢宰列職於王則謂之太宰宰主也周公居攝而作六典之職以佐王理邦國漢成帝初分尚書置四曹蓋因事設員以司其務非擬於古制也至光武乃分為六曹迄於魏晉或五或六亦隨宜施制無有常典自宋齊以來多定為六曹稍似周禮至隋六部其制益明大唐武太后遂以吏部為天官戶部為地官禮部為春官兵部為夏官刑部為秋官工部為冬官以承周六官之制若參詳古今徵考職任則天官太宰當為尚書令非吏部之任今吏部之始宜出夏官之司士又夏官之屬有司士下大夫

二人掌羣臣之版

版名籍也

歲登下其損益之數

謂用功過黜陟

辨

其年歲與其貴賤

年數多少知其老少

周知邦國都家縣鄙之數

卿大夫士庶子之數以詔王理

告王所當進退

以德詔爵

有賢者之

德乃詔以爵

以功詔祿

理有功勲後詔以祿

以能詔事以久奠食

能者事成

乃食之王制曰論定然後官之任官然後爵之位定然後祿之

漢成帝初置尚書有常

侍曹主公卿事後漢改為吏曹主選舉祠祀後又為選

部

靈帝以梁鵠為選部尚書

魏改選部為吏部主選事

陳羣為尚書延康元年始

建凡品官人法拜吏部尚書又毛玠字孝先為吏部尚書無敢好衣美食者魏武嘆曰孤之法不如毛尚書吳暨豔字子休為選曹尚書性峭厲好清議當時郎署混濁多非其人欲區別賢愚彈射百寮覈選三署皆貶高就下降減等數其居位貪鄙志節卑污者皆以為軍吏置營府以處之故悅憤聲積競言豔用私情愛憎不由公理豔

晉與魏同

山濤為吏部尚書用人皆先密啟然後公奏舉無遺才凡所題目終始如

其言唯用陸亮尋以賄敗啟事曰臣欲以鄰生為溫令詔可尋又啟曰訪聞說喪母不時葬遂於所居屋後假葬有異同之議請更選之詔曰君為管人倫之職此輩應為清議與不便當裁處之江甯字思賢三為選官始為吏部郎遷侍中吏部尚書僕射世說曰鍾會見王戎裴楷總角曰裴楷清通王戎簡要後二十年此二賢當為吏部尚書龔爾時天下無復滯才劉聰僭號省吏部置左右選曹石勒時又置左右執法郎典定士族副選舉之任

甯音彬

宋時吏部尚書領吏部刪定三公比部四曹孝

武不欲威權在下大明二年分吏部尚書置二人以輕

其任而省五兵後還置一吏部尚書順帝昇明元年又

置五兵二尚書晉宋以來吏部尚書資位尤重

宋時徵豫章太

守蔡廓為吏部尚書廓至謂左丞傅隆曰選皆出我乎  
隆言之執政徐美之曰黃門以下專以相委過此則與  
衆參之廓聞之曰我不能為徐美之署紙尾遂不就選  
案黃紙錄事尚書與吏部尚書連名故云署紙尾又庾  
炳之為吏部尚書通貨賄吏部令史錢泰能琵琶主客  
令史周伯齊善歌諸炳之宅詔事因留宿尚書舊制令  
史詔事不得停外雖有八座

**梁陳亦然**

梁蕭子顯為吏部尚書性凝簡

命亦不許為所司奏免官

負才氣見九流賓客不與交言但舉扇一揮而已衣冠  
竊恨之又謝覽字景滌肥之弟淪之子自祖至孫三世  
居選部時以為榮又王恭字仲通為都官尚書能接人  
士皆願其居選官頃之為吏部尚書衣冠傾屬又謝舉  
字言揚選掌吏部舉祖莊宋代再後魏北齊吏部統吏  
典選至舉又三為此職前代未有

**部**

掌張崇

**考功主爵三曹**

自洛陽遷鄴以後掌大選知名者數四文襄帝少年高明



所蔽也疎袁淑德沈密謹厚所傷者細楊愔風流辨給取士失於浮華唯辛術為尚書性尚貞明擢士以才以器循名責實新舊參舉管庫必擢門閥不遺前後銓衡術最為折衷甚為當時所稱後周有吏部

中大夫一人

掌羣臣及諸子之簿辨其貴賤與其年歲歲登下其損益之數依六勲之賞頒祿之

差小吏部下大夫一人

掌貳吏部之事

領司勲上士等官屬大

司馬隋吏部統吏部主爵司勲考功四曹

牛弘為吏部尚書其選舉

先德行而後文才所進用多稱職吏部侍郎高孝基鑑賞機悟清慎絕倫然爽俊有餘迹似輕薄時宰多以此疑之唯弘深識其貞推心委任隋之選舉於斯為最又曰盧愷攝吏部尚書何孚奏蘇威陰事愷相連讞司奏愷曰房恭懿者尉遲迥之黨不當仕進威愷二人曲相薦達累轉為海州刺史又吏部參選者甚多愷即不授

官皆作色而遣威有從父弟徹肅二人徵詣吏部徹文  
狀後至而先任用肅左足攣蹇才用凡劣愷以威之故  
而授朝請郎文帝怒曰愷敢將天官爲私惠乃除名爲  
庶民自後周以降選無清濁及愷攝吏部與薛道衡陸  
彥師等甄別士流故涉黨固之譖遂及於此大唐龍朔元年改吏部尚書爲

司列太常伯咸亨初復舊光宅元年改吏部爲天官神

龍元年復舊天寶十一年改爲文部

至德初復舊

掌文官選

舉總判吏部司封司勳考功四曹事舊令班在侍中中

書令上開元令移在侍中中書令下尚書六曹吏部兵

部爲前行戶刑爲中行禮工爲後行其官屬自後行遷

入二部者以為美自魏晉以來凡吏部官屬悉高於諸曹其選舉皆尚書主之自隋置侍郎貳尚書之事則六品以下銓補多以歸之大唐至貞觀以前尚書掌五品

選事

貞觀二十二年二月文部侍郎盧承慶兼檢校兵部侍郎仍知五品選事承慶辭曰五品選事職在

尚書臣今掌之便是越局太宗不許曰朕今信卿卿何不自信也由此言之即尚書兼知五品選事明矣至

景龍中尚書掌七品以上選侍郎掌八品以下選至景

雲元年宋璟為尚書始通其選而分掌之因為常例開元以前諸司之官兼知政事者午前議政於朝堂午後

理務於本司自開元以來宰相員少資地崇高又以兵

吏尚書權位尤美而宰臣多兼領之但從容衡軸不自

銓綜其選試之任皆侍郎專之尚書通署而已遂為故

事或分領其事則列為三銓

四年六月勅其員外郎御史并餘供奉官直進名勅

授自此不在吏部

尚書掌其一侍郎分其二

尚書所掌謂之尚書銓侍郎所掌其

一為中銓其一為東銓各有印

○侍郎二人

隋煬帝置說在歷代郎中篇凡六司侍郎皆貳尚書

之事吏部初置一員總章元年加一員龍朔二年改為司列少常伯咸亨元年復舊分掌選部流內六品以下官是為銓衡之任凡初仕進者無不仰屬焉當選集之際勢傾天下列曹之中資位尤重初隋世高孝基為吏

部侍郎房玄齡杜如晦與選孝基時加賞異後以為知  
人大唐大皇帝永徽時馬戴裴行儉為吏部侍郎貞觀  
以來最為稱職又鄧元挺為此官不稱職甚為時談所  
鄙常患消渴選人因號為鄧渴坐比遷澧川刺史有能  
名武太后重拜為天官侍郎其弊愈甚又以許子儒為  
之子儒不以藻鑑為意其補官悉委令史勾直時曰平  
配後崔玄暉為之介然自守絕於請謁為執政者所忌  
轉文昌左丞選司令史乃設齋自慶武太后聞之復拜  
為天官

○郎中二人

漢魏以來尚書屬或有侍郎或有

侍郎  
則兩置或為互名雖稱號不同其職一也皆今郎中之  
任山公啟事曰吏部郎主選舉宜得能整風俗理人倫  
者又曰吏部郎以碎事日夜相接非但當正己而已乃  
當能正人不容穢雜也乃以議郎杜默為之齊謝朓為  
吏部郎上表三讓說在歷代郎官篇又王儉為吏部郎  
專斷曹事又陸慧曉字叔明為吏部郎吏部郎吏部郎

政以來咨執選事慧曉任已獨行未嘗與語帝遣左右  
以事請問之慧曉曰六十之年不復能諮都令史為吏  
部郎也梁顧憲之字士思為吏部郎初其祖凱之嘗為  
吏部於庭植嘉樹謂人曰吾為憲之種耳至是憲之果  
為此官然自過江吏部郎不復興大選又王亮字奉升  
為吏部郎銓序著稱及後為吏部尚書拘資次而已當  
代謂為不能又任昉為吏部郎參掌大選居職不稱轉  
御史中丞又職官錄曰梁吏部郎舊視中丞遷侍中又  
陳吏部郎中秩六百石後魏孝文帝欲創革舊制選置  
百官謂羣臣曰為朕舉一吏部郎給卿三日假尋曰朕  
已得之矣乃徵崔亮為之亮字敬儒自參選事垂將二  
十年廉慎明決尚書曰非崔郎中選事不辦又曰韋瑒  
為吏部郎性貪婪鬻官吏皆有定價隋初諸曹郎皆  
謂之侍郎煬帝三年置六司侍郎後遂改諸曹侍郎但  
曰郎具吏部郎改為選部郎國初復為選部郎中武德  
二年選部郎中鄭元毓以賊犯處極刑是也五年改為

吏部郎中龍朔二年改為司列大夫咸亨元年復舊掌  
選補流外官謂之小銓并掌文官名簿朝集祿賜假使  
并文官告身

分判曹事

○員外郎二人

隋開皇六年置吏部員外  
郎一人煬帝三年改為選

部丞務郎武德三年復舊加置一人一員判廢置一員  
判南曹起於總章二年司列少常伯李敬玄奏置未置  
以前銓中自勘貢故事兩員轉廳至建中元年侍郎邵  
說奏各挾闕替南曹郎王鎬以後遂不轉廳貞元十一  
年閏八月侍郎杜黃裳奏舊例轉廳初武太后延載元  
年人加一員聖歷二年八月省開元十二年四月勅兵  
吏各專定兩人判南曹尋却一人判貞元元年九  
月又以兩人判至十二年閏八月又却一員判

○司

封郎中一人

左傳曰晉文公執秩以正其官注云執秩  
主爵秩之官漢尚書有封爵之任而無其

官故後漢書曰馮勤字偉伯光武以為郎中給事尚書  
使典諸侯封事勤量功次輕重國土遠近地勢豐薄不

相踰越莫不厭伏焉自是封爵之制非勤不定晉尚書有左右主客曹北齊河清中改為主爵置郎中一人屬吏部主封爵之事隋初為主爵侍郎煬帝改為主爵郎武德初為主爵郎中龍朔二年改為司封大夫咸亨元年復舊光宅元年改為司封郎中掌封爵皇之族及諸親內外命婦告身及道士女冠等天寶八載十一月勅道士女冠籍每十載一造永為常式至德二年十一月勅道士女冠等宜依前屬司封曹

○員外

郎一人

隋文帝置煬帝改為主爵丞務郎武德初為主爵員外郎其後曹改而官不易

○司勳

郎中一人

周禮夏官有司勳上士掌六卿賞地之法歷代無聞至後周吏部有司勳上士一人掌六

勳之賞以等其功如古之主爵隋文帝置司勳侍郎煬帝改為司勳郎永徽五年十二月四夜司勳庫失火中歷並盡龍朔二年改為司勳大夫咸亨初復故掌校定勳績論官賞勳官告身等事

○員外郎二



人隋文帝置煬帝改為司勳承○考功郎中一人漢文

務郎武德初為司勳員外郎

京房作考功課吏之法然其職不在尚書至光武改尚

書三公曹主歲書考課課諸州郡魏尚書有考功定課

二曹宋元嘉三十年又置功論郎並其任也例在吏部郎

中篇後魏考功郎掌考第孝秀北齊考功郎中亦掌考

第及孝秀貢士隋文帝置考功侍郎煬帝改為考功郎

武德初復為考功郎中龍朔二年改考功為司績成亨

初復舊掌考察內外百官及

功臣家傳碑頌誄謚等事

○員外郎一人隋文帝置

考功承務郎武德初復為考功員外郎其後曹改而官

不易武德舊令考功郎中監試貢舉人貞觀以來乃以

員外郎專掌貢舉省郎之殊美者至開元二十四

年移貢舉於禮部而考功員外郎分判事而已

戶部尚書

侍郎  
員外郎  
郎中  
員外郎  
度支郎中  
倉部

郎中 員外郎

周禮地官大司徒之職掌建邦之土地之圖與其人民

之數

按今戶部之職與地官之任雖亦頗同若徵其承受考其沿襲則戶部合出於度支度支主計筭之

官也筭計之任本出於周禮天官之司會云

又太宰之屬有司會以九貢之

法致邦國之財用以九賦之法令田野之財用以九功

之法令民職之財用以九式之法均節邦之財用掌國

之官府郊野縣都之百物財用凡在契書版圖者之貳

以逆羣吏之治而聽其會計

逆謂受而鈎考之可知得失多少

漢置尚

書郎四人其一人主財帛委輸至魏文帝置度支尚書

寺專掌軍國支計吳有戶部

吳孫休初即位戶部尚書階下讀奏

而晉有

度支

晉當陽侯杜元凱為度支尚書內以利民外以救邊備物置用以濟當時之益者五十餘條又張華

為度支尚書量計運漕決定廟筭

皆主筭計也宋齊度支尚書領度支

金部倉部起部四曹梁亦有之後魏度支亦掌支計

崔亮

為度支尚書經營費用歲減億計

北齊度支統度支

掌計會凡軍國損益供糧廩等事

倉部左戶

左戶掌天下計帳戶口

右戶

掌天下公私田宅租課

金部庫部六

曹後周置大司徒卿一人如周禮之制其屬有民部中

大夫二人掌承司徒敎以籍帳之法贊計人民之衆寡

隋初有度支尚書則并後周民部之職

漢成帝初置尚書有民曹主凡

吏民上書悉經此曹理之後漢光武改民曹主繕修工  
作鹽池苑囿魏置左民尚書晉惠帝又加置右民尚書  
至於宋齊梁陳皆有左民尚書而後魏有左民右民等  
尚書多領工役非今戶部之例而梁陳兼掌戶籍此則  
略同自周隋有民部始當今戶部之職開皇三年改度支為民部統度支

民部金部倉部四曹國家修隋志謂之戶部蓋以廟諱

故也

煬帝時韋冲為民部尚書又武德二年隋民部尚書蕭瑀為相府司錄

大唐永徽初

復改民部為戶部廟諱故也

太宗在位詔官名及公私文籍有世民兩字不相連

者並不詳至  
高宗始詳之

顯慶元年改戶部為度支龍朔二年改度

支尚書為司元太常伯咸亨元年復為戶部尚書初戶

部居禮部之後武太后改置天地四時之官以戶部為

地官由是遂居禮部前神龍元年復改地官為戶部總

判戶部度支金部倉部事○侍郎二人

蓋周官小司徒  
中大夫頗同其

任後周依周官今侍郎則隋煬帝置民部侍郎大唐因  
之後改曰戶部龍朔二年改為司元少常伯咸亨元年

復為戶部侍郎他時曹名或改而官號不易舊制  
一員長安四年加一員神龍元年減二年復加

○郎

中二人

漢尚書郎一人主戶口墾田吳時張溫為尚書  
戶曹郎魏有民曹郎晉分為左右民曹宋齊以

下或為左民或為左戶後魏有戶部郎北齊有左右民曹例在戶部郎中篇隋初為戶部侍郎煬帝除侍字隋末改為民部郎武德初為民部郎中龍朔二年改郎中為大夫咸亨元年復舊他時曹名或改而官號不易掌戶口籍帳賦役孝義優復蠲免婚姻繼嗣百官衆庶園宅口分永業等建中三年正月戶部侍郎判度支杜佑奏大寶以前戶部事繁所以郎中員外各二人判署自兵興以後戶部事簡度支事繁唯郎中員外各一人請回輟郎中員外各一人分判度支案

○員外郎二人

隋文

帝置煬帝改為承務郎武德三年復為員外郎

○度支郎中一人

漢初張蒼善算以列侯主

計居相府領郡國上計者謂之計相殆今度支之任魏尚書有度支歷代度支具尚書中隋初為度支侍郎煬帝除侍字武德加中書龍朔二年改度支為司度咸亨元年復舊掌文使國用開元二十四年三月戶部尚書

同中書門下三品李林甫奏租庸丁防和糴春綵稅草  
諸色旨符每年一造據州府及諸司計紙當五十萬張  
仍差百司抄寫事甚勞煩條目既多詳檢難過緣無定  
額支稅不常亦因此涉煩情長姦偽臣今與採訪使及  
朝集使商量有不穩便於人非當土所出者隨意沿革  
務從允便即人知定准政有常文編成五卷以為長行  
首冠省事司每年但收應支物數頒行每州不過一兩  
紙仍附驛送勅依至德以後戎事費多二年十二月呂  
諲為兵部侍郎平章事充勾當度支使上元元年五月  
劉晏為戶部侍郎勾當度支事元年建子月元載為戶  
部侍郎勾當度支使實應元年正月劉晏為戶部侍郎  
勾當度支使二年二月韓滉以宰相加度支使五月二  
日竇參為中書侍郎平章事度支使自後  
雖無亦有他官判或云權判亦云專判 ○員外郎一  
人改置與戶部 ○金部郎中一人周官有職金掌金玉  
員外郎同 錫石丹青之令魏尚

書有金部郎其後歷代多有之北齊金部主才量尺度  
內外諸庫藏文帳隋盧昌衡字子均祖孝徵薦為尚書  
金部郎每謂人曰吾用盧子均為尚書郎自謂無愧幽  
冥矣隋初為金部侍郎煬帝除待字武德中加中字龍  
朔二年改金部為司珍咸亨初復舊天寶中改為司金  
至德初復舊掌庫藏金寶貨物權衡度量等事自開元  
二年置鑄錢使  
皆以他官為之

○員外郎一人

改置與戶部  
員外郎同

○倉部郎

中一人

周官有倉人主藏九穀又有廩人主藏九穀之  
數調賜稍食魏尚書有倉部郎後魏有太倉尚

書亦其任也故後魏書曰李訢為太倉尚書攝南部事  
今千里之外戶別轉運詣倉輸之所在委積延停歲月  
大為困弊歷代多有倉部曹皆掌倉廩之事後周有地  
官屬司倉下大夫隋初為倉部侍郎煬帝除待字武德  
中加中字龍朔二年改倉部為司庾咸亨初復舊天寶  
中改為司儲至德初復舊掌諸倉廩之事開元二十六



年以後置出納使皆以他官為之訢音許斤切

○員外郎一人

改置與戶部員外郎同

禮部尚書

侍郎

郎中

員外郎

祠部郎中

郎中

員外郎

膳部郎中

員外郎

主客

唐虞之時秩宗典三禮周禮春官大宗伯掌建邦之天

神人鬼地祇之禮後漢尚書吏曹兼掌齋祀亦其職也

魏尚書有祠部曹及晉江左有祠部尚書掌廟祧之禮

嵇含臺中宴會詩其祠部云仰承宗廟懷祇虔

常與右僕射通職不常置以右

僕射攝之

歷代皆與右僕射通職

宋祠部尚書領祠部儀曹二曹

齊梁陳皆有祠部尚書後魏為儀曹尚書北齊祠部尚

書統祠部

掌祠祀醫藥  
死喪贈賻

主客虞曹屯田起部五曹又有

儀曹主吉凶禮制屬殿中尚書後周置春官卿又有禮

部而不言職事後改禮部為宗伯又春官之屬有典命

掌内外九族之差及玉器  
衣服之令沙門道士之法

後改典命為大司禮俄改大

司禮復為禮部謂之禮部大夫

後周盧愷為禮部  
大夫充聘陳使

至隋

置禮部尚書統禮部祠部主客膳部四曹蓋因後周禮

部之名兼前代祠部儀曹之職大唐龍朔二年改禮部

尚書為司禮太常伯咸亨元年復舊光宅元年改禮部為春官神龍元年復舊總判祠部禮部膳部主客事○

侍郎一人

周官春官小宗伯中大夫頗同今任後周依周官今侍郎則隋煬帝置大唐因之龍朔二

年改為司禮少常伯咸亨元年復舊他時曹名或改而官號不易掌策試貢舉及齋郎弘崇國子生等事舊制考功員外郎掌貢舉開元二十三年考功員外郎李昂為進士李權所詆朝議以考功位輕不足以臨多士至二十四年遂以禮部侍郎掌焉開元天寶之中昇平既久羣士務進天下髦彥由其取舍故勢傾當時資與吏部侍郎  
○郎中一人  
周官春官肆師下大夫亦頗同今任魏尚書有儀曹郎掌吉凶禮制  
歷代多有例在吏部篇宋齊儀曹屬祠部梁書曰武帝謂徐勉云今帝業初構須一人有學藝解朝儀者為尚

書儀曹郎勉曰孔休源識其清通許練故事自晉宋起居注畧誦上口遂拜為儀曹郎後周依周官隋初為禮部侍郎煬帝除侍字人改為儀曹郎武德初改為禮部郎中龍朔二年改為司禮大夫咸亨初復舊其後曹改而官不易掌禮樂學校儀式制度衣冠符印

### 員外郎

一人周禮四司上士後周依馬至隋文帝置禮部員外郎煬帝改為儀曹丞務郎武德三年復舊其後曹

改而官

### 祠部郎中一人

魏尚書有祠部郎歷代皆有主禮制後魏裴修為中大夫

兼祠部曹祠部曹主禮樂每有疑議修撰斟酌咸有條貫後周有典祠中大夫隋初為侍郎煬帝除侍字武德中加中字龍朔二年改為司禮大夫咸亨元年復舊延載元年五月制天下僧尼隸祠部不須屬司賓開元二十年正月制僧尼隸祠部天寶十一年改祠部為職祠至德初復舊掌祠祀天文漏刻國忌廟諱卜祝醫

樂等及僧尼簿籍自天寶六載及至德三年常置祠部使以他官為之

○員外郎一人

改

與戶部員

○膳部郎中一人

膳部於周官即膳夫凌人二職也晉尚書有左士右

外郎同

士曹後魏都官尚書管左士郎北齊改左士為膳部郎掌侍官百司禮食餽饌屬都官尚書後周有膳部大夫

一人亦掌飲食屬大冢宰隋膳部屬祠部初置侍郎煬

帝除侍字武德中加中字龍朔二年改為司膳大夫咸

亨初復舊天寶十一年人改膳部為司

○員外郎一人

膳至德初復舊掌飲膳藏冰及食料

改置與戶部

○主客郎中一人

漢成帝初置尚書有客曹主外國夷狄後光武

分改為南主客北主客二曹至魏亦為南主客至晉氏

分為左右南北四主客或單為客曹宋齊梁陳單有主

客後魏吏郎管南主客祠部管左主客北齊改左主客

為主爵南主客為主客隋初為侍郎煬帝除侍字尋又

改為司籍郎武德初改為主客郎中龍朔二年又改  
主客為司藩咸亨元年復舊掌二王後及諸藩朝聘○

員外郎一人

改置與戶部  
員外郎同

兵部尚書

侍郎 郎中 員外郎 職方郎中  
員外郎 駕部郎中 員外郎 庫部

郎中 員外郎

周禮夏官大司馬之職掌以九伐之法正邦國制軍誥

禁以糾邦國領校人牧師職方司兵之屬即今兵部之

任也魏置五兵尚書

周官有司兵掌五兵五盾各辨其  
物與其等以待軍事五兵之名當

出於此鄭司農云五兵  
者戈殳戟酋矛夷矛也

五兵謂中兵外兵騎兵別兵都

兵也晉初無太康中乃有五兵尚書而又分中兵外兵

各為左右

按晉雖分中兵外兵為左右與舊五兵為七曹然尚書唯置五兵而已無七兵尚書之名

至後魏始有七兵尚書耳今諸家著述或謂晉太康中置七兵尚書誤矣

宋五兵尚書唯領

中兵外兵二曹餘則無矣齊梁陳皆有之後魏為七兵

尚書北齊為五兵統左中兵

掌諸都督告身諸宿衛官

右中兵

掌畿內丁

帳事諸兵力士

左外兵

掌河南及潼關以東諸州丁帳及發召諸兵

右外兵

掌河北及潼關

以西諸州所典與左外兵同

都兵

掌鼓吹太樂部小兵等事

五曹後周置大司馬

其屬又有兵部中大夫小兵部下大夫其職並缺至隋

乃有兵部尚書統兵部職方駕部庫部四曹蓋因後周兵部之名兼前代五兵之職大唐龍朔二年改兵部尚書為司戎太常伯咸亨元年復舊光宅元年改為夏官

神龍元年復舊天寶十一年改為武官

至德初復舊

掌武官

選舉總判兵部職方駕部庫部事其分領選舉亦為三

銓制如吏部

尚書所掌謂之尚書銓侍郎所掌其一為中銓其一為西銓各有印

○侍郎

二人

隋煬帝置大唐因之龍朔二年改為司戎少常伯咸亨元年復舊他時曹名或改而官不易舊制一

員總章元年加一員掌署武職武勲官三衛及兵士以上簿書朝集祿賜假使差發配親士帳內考覈及給武



職告

○郎中一人

歷代兵部曹皆有郎具尚書中或單為郎或置郎中例在吏部郎中篇隋

初為兵部侍郎煬帝除侍字改為兵部曹郎武德三年改為兵部郎中龍朔二年改為司戎大夫咸亨元年復

舊掌與

○員外郎二人

隋文帝置兵部員外郎煬帝改其後曹改

而官不易

○職方郎中一人

周禮夏官有職方氏掌天下之圖辨九州之國歷代

無聞至後周依周官隋初有職方侍郎煬帝除侍字武德中加中字龍朔二年改為司城大夫咸亨元年復舊

掌地圖城隍鎮戍烽候防人路程遠近親化首渠

○員外郎一人

周官夏官職方上士後周

依周官隋改置與戶部員外郎同

○駕部郎中一人

周禮夏官之屬有與司馬又有校人

主馬之官又有牧師掌牧放又有巾車掌公車之政及王之五輅此皆駕部之本也魏晉尚書有駕部郎宋時

駕部屬左民尚書齊亦有之後魏與北齊並曰駕部郎中後周有駕部中大夫屬夏官隋初為駕部侍郎屬兵部及辛公義為駕部侍郎勾檢馬牧所獲十餘萬尺文帝喜曰唯我公義奉國竭忠煬帝除侍字武德三年加中字龍朔二年改為司輿大夫咸亨初復舊天寶中改駕部為司駕至德初復舊掌輿輦車乘郵驛廐牧司牛馬驢騾閑瀆雜畜開元十八年閏六月勅比來給傳使人為先傳馬事頗勞煩自今以後應乘傳者宜給紙券二十三年十月勅新給都督刺史并闕三官州上佐並給驛發遣二十八年六月勅有陸驛處得置水驛自二十年以後常置館

○員外郎一人

周官有輿上士後周有小駕上士蓋其任

也至隋置與戶部同

○庫部郎中一人

周官有司甲掌戈盾弓矢之長各辨其物以待軍事

魏尚書有庫部郎晉因之宋庫部主兵仗文帝宴會有荒服外歸化人帝問尚書庫部郎顧琛曰庫中仗有幾

許琛說對曰有十萬人仗舊武庫仗多秘不言帝既問失言及琛說對善之歷代或有或缺後魏北齊庫部屬度支尚書掌凡戎仗器用後周有武藏中大夫隋屬兵部初為庫部侍郎煬帝除侍字武德中加中字龍朔二年改為司庫大夫咸亨初復舊天寶十一年又改庫部為司庫至德初復舊掌軍器儀仗鹵簿法式及乘具等

○員外郎一人

周官有司兵中士後周有小武藏下大夫隋改置與戶部同

刑部尚書

侍郎 郎中 員外郎 都官郎中 員外郎 北部郎中 員外郎 司門

郎中 員外郎

唐虞之時士官以正五刑周禮秋官大司寇掌邦之三典以佐王刑邦國蓋其任也漢成帝時尚書初置二千

石曹主郡國二千石又置三公曹主斷獄後漢光武改

三公曹主歲盡考課諸州郡政二千石曹掌中都官水

火盜賊詞訟罪法亦謂之賊曹重於諸曹

華譚集尚書二曹論曰劉

道貞問薛令長在吳何作答曰為吏部尚書問曰吳待吏部何如餘曹答曰並通高選吏部特一時之後劉曰晉魏以來俱爾獨謂漢氏重賊曹為是吳晉重吏部為非薛君曰八座秩同班等其選並清宜同一揆若人才或多或少選例難精如不得已吏部職掌人物人物難明謂吳晉為得而君何是古而非今劉難曰今吏部非為能判虛名舉沉樸者故錄以成人位處三署聽曹探鄉論而用之耳無煩乎聰明賊曹職典刑獄刑獄難精是以欲重之答曰今之賊曹不能聽聲觀色以別真偽縣不能斷獄之尚書也夫在獄者率小人在朝者率君

子小人易檢君子難精俱不得已吏部宜重賊曹宜輕也魏青龍二年置尚書都官

郎佐督軍事晉復以三公尚書掌刑獄宋三公比部皆

主法制又置都官尚書主軍事刑獄領都官水部庫部

功論四曹齊梁陳並有都官尚書後魏亦有都官尚書

北齊都官統都官

掌畿內非違得失

二千石

掌畿外得失

比部水部

膳部五曹又有三公曹掌諸曹囚帳斷罪赦日建金鷄

等事

又掌五時讀時令

屬殿中尚書後周有秋官大司寇卿掌

刑邦國其屬官又有刑部中大夫掌五刑之法隋初有

都官尚書開皇三年改都官為刑部尚書統都官刑部  
比部司門四曹亦因後周之名大唐因之龍朔二年改  
刑部尚書為司刑太常伯咸亨元年復舊武太后改刑  
部為秋官神龍初復舊天寶中改為憲部至德初復舊

總判刑部都官比部司門事○侍郎一人

周官小司寇中大夫蓋今

任也後周依周官至隋煬帝置刑部侍郎大唐因之龍  
朔二年改為司刑少常伯咸亨元年復舊他時曹名或  
改而官號不易掌律令定刑名○郎中二人

周禮大司寇屬官有

士師下大夫蓋今任也漢尚書有三公曹後漢有二千  
石曹魏有都官曹皆掌刑罰獄訟之事歷代沿革具尚

書中或為侍郎或置郎中例在吏部郎中篇後周有小  
刑部下大夫屬秋官府隋初置刑部侍郎煬帝除侍字  
又改為憲部郎武德三年改為刑部郎中龍朔  
二年改為司刑大夫咸亨元年復舊與侍郎同 ○員外

郎二人

隋文帝置刑部員外郎煬帝改為憲部承務郎  
武德三年改為刑部員外郎其後曹改而官不

易

○都官郎中一人

漢司隸校屬官有都官從事掌中  
都官不法事後漢人改尚書二千

石曹掌中都官水火盜賊魏青龍二年始置尚書都官  
郎佐督軍事晉宋尚書都官燕主刑獄歷代事具尚書  
中其官例在吏部郎中注後周則曰司隸隋初為都官  
侍郎掌簿錄配役官私奴婢良賤訴競俘囚等事煬帝  
除侍字置員外二人武德三年加中字減一人龍朔二  
年改為司僕大夫咸亨元年復舊掌簿錄配役官奴婢  
簿籍良賤及部曲  
客女俘囚之事 ○員外郎一人  
周官有司屬下士蓋  
並今任也後周依焉

隋改置與

戶部同

○比部郎中一人

魏尚書有比部曹晉因之宋時比部主法制齊梁陳

皆有比部曹後魏亦然北齊掌詔書律令勾檢等事後

周曰計部中大夫蓋其任也隋初為比部侍郎煬帝除

侍字武德中加中字龍朔二年改為司計大夫咸亨元

年復舊天寶十一年又改比部為司計至德初復舊掌

內外諸司公廨及公私債負徒役工程贓物帳及勾用度物

○員外郎一人

改置與

外郎

同 ○司門郎中一人

周禮地官有司門下大夫掌授

周官隋初有司門侍郎煬帝除侍字武德三年加中字

龍朔二年改為司門大夫咸亨元年復舊掌門籍關橋

及道路過所

○員外郎一人

周官有司門上士後周

開遺物事

工部尚書

侍郎

郎中

虞部郎中

員外郎

屯田郎中

水部

員外郎

水部

水部



郎中 員外郎

周禮冬官其屬有考工掌百工之事曰國有六職百工  
是其一焉漢成帝初置尚書有民曹主凡吏民上書後  
漢光武改民曹主繕修功作鹽池園苑魏置左民尚書  
亦領其職晉宋以來有起部尚書而不常置每營宗廟  
宮室則權置之事畢則省以其事分屬都官左民二尚  
書北齊起部亦掌工造屬祠部尚書後周有冬官大司  
空卿掌五材九範之法其屬工部中大夫二人承司之

事掌百工之籍而理其禁令至隋乃有工部尚書統工部屯田二曹蓋因後周工部之名兼前代起部之職大唐龍朔二年改工部尚書為司平太常伯咸亨元年復舊武太后改工部為冬官神龍初復舊總判工部屯田

虞部水部事○侍郎一人

隋煬帝改置工部侍郎大唐因之龍朔二年改為司平少

常伯咸亨元年復舊他時曹名或改而官不易掌興造工匠諸公廨屋宇五行並紙筆墨等事

○郎中

一人

晉尚書有起部曹歷代皆有具尚書中隋初為工部侍郎煬帝除侍字又改為起部郎武德三年改

為工部郎中龍朔二年改為司平大夫咸亨元年復舊其後曹名改而官不易所掌與侍郎同○員外

郎一人

隋文帝置工部員外郎煬帝改為起部承務郎武德三年復為工部員外郎其後曹改而官不

易

○屯田郎中一人

漢成帝置尚書郎兩人其一人掌戶口墾田蓋尚書屯田郎之始也

至魏尚書有農部郎又其職也至晉始有屯田尚書及太康中謂之田曹後復為屯田江左及宋齊則左民郎中兼知屯田事梁陳則曰侍郎後魏北齊並為屯田郎隋初為屯田侍郎兼以掌儀武之事故隋書曰柳或為屯田侍郎時制三品以上門皆列戟左僕射高潁子弘德封應國公申請榮戟或判曰僕射之子更不異居父之榮戟已列門外尊有壓卑之義子有避父之禮豈有外門既設內閣又施事竟不行潁聞而歎服煬帝除侍字武德三年加中字龍朔二年改為司田大夫咸亨元年復舊掌屯田官田諸司公廨官人職分賜田及官園宅等

事

○員外郎一人

改置與戶部員外郎同

○虞部郎中一人

虞部

蓋古虞人之遺職至魏尚書有虞曹郎中晉因之梁陳  
曰侍郎後魏北齊虞曹掌地岡山川遠近園囿田獵雜  
木等並屬虞部尚書後周有虞部下大夫一人掌山澤  
草木鳥獸而阜蕃之人有小虞部並屬大司馬隋初為  
虞部侍郎屬工部煬帝除侍字武德中加中字龍朔二  
年改為司虞大夫咸亨元年復舊天寶十一年又改虞  
部為司虞至德初復舊掌京城街巷種

○員外郎一人

隋初置與戶部員外郎同龍  
朔以後曹名改而官不易

○水部郎中一人

周禮夏  
官有司

險掌設國之五溝五塗而達其道蓋其職也魏尚書  
有水部郎歷代或置或否後魏北齊有水部屬都官尚  
書亦掌舟船津梁之事後周有司水大夫隋初為水部  
侍郎屬工部煬帝除侍字武德三年加中字龍朔二年  
改為司川大夫咸亨元年復舊天寶中改水部為司水  
至德初復舊掌川瀆津濟船艦浮橋渠堰漁捕運漕水

碾礮等事

○員外郎一人

後周小司水上士隋改置與戶部員外郎同龍朔二年以後曹名改

而官不易

通典卷二十三